

RITO RA XIKOMBISO

 Ndza khensa. Ntsena a hi yimiseni xisweswo xinkadyana, loko ha ha hlaya Rito, a hi kongomeni eRitweni madyambu lawa, leswaku hi nga dyi nkarhi wo tala. Ndzi lava mi ya pfula na mina, madyambu lawa, eka Buku ya Eksoda, kutani hi ya sungula hi ndzimana ya vu⁴ ya Buku ya Eksoda.

Kutani Muxe a hlamula a ku, Kambe, vonani, va ngaka va nga pfumeri, va ngaka va nga yingisi rito ra mina: hikuva va ta ku, Hosi a yi tikombisang ka wena.

Hosi yi ku ka yena, Ncini lexi nga vokweni ra wena xana? A ku, I nhonga.

Kutani yi ku, Yi hoxe hansi. A yi hoxa ehansi, kutani yi hundzuka nyoka; kutani Muxe a yi balekela.

Kava loko Hosi yi ku ka Muxe, Tshambuluta voko ra wena, u yi khoma hi ncila. Kutani a tshambuluta voko, a yi khoma, kutani yi hundzuka nhonga evokweni ra yena:

U ta endlisa sweswo va ko va pfumela leswaku Hosi Xikwembu xa vatata wa vona, Xikwembu xa Abraham, . . . Xikwembu xa Isaka, . . . Xikwembu xa Yakob, xi tikombisile ka wena.

Hosi yi engeta yi ku ka yena, Nghenisa voko ra wena exifveni xa wena. Kutani a nghenisa voko exifveni xa yena: loko a ri humesa, a vona, voko ra yena ri basile hi nhlokonho ku kota gamboko.

Kutani yi ku, Tlherisela voko ra wena exifveni. Kutani a ri tlherisela exifveni, loko a ri humesa, a ri, vona, ri . . . hundzukile ri fana ni miri wa yena.

Kutani swi ta endleka, loko va nga pfumeri ka wena, va nga yingisi timhaka ta xikombiso lexo rhanga, va ta pfumela etimhaka ta xikombiso xa vumbirhi.

² A hi korhamiseni tinhloko ta hina. Kutani loko ha ha korhamisile tinhloko ta hina, na timbilu ta hina, na toni, ndza hlamala loko ku ngari na van'wana lahwani madyambu lawa lava nga ni swikombelo swa xikhongelo? Mi nga swi endla swi tiveka hi ku yimisa mavoko ya n'wina. Xikwembu xi tiyisisa swikombelo swa n'wina.

³ Tatana wa hina wa le Matilweni, hi kholwa eka nkateko lowu, wa kuta eka Wena hi xikhongelo, hi ta hi Vito ra Hosi Yesu. Kutani swi tshembhisiwile ha Yena, leswaku loko hi kombela swin'wana na swin'wana hi Vito ra Yena, hi ta nyikiwa swona. Yena loyi a tivaka xilaveko xa un'wana na un'wana wa hina. Wa swi tiva leswi mavoko ya hina ya swi

yimeleke loko ma yimiseriwile ehenhla. Ndza khongela, Tatana, leswaku U ta hlamula swikombelo hinkwaswo madyambu lawa. U kwetsima.

⁴ Kutani sweswi pfumelela Mudyondzi lonkulu wa Rito, a nga Moya lowo Kwetsima, wu ta ehenhleni ka hina, madyambu lawa, kutani a tihlavutela yena N'winyi eka hina, ni—ni kuva a ti tivisa yena hi Yexe eka hina, hi vu—vu vumbhoni bya ku pfuka ka Yena. Ingaku A nga ta exikarhi ka hina, madyambu lawa, Hosi, ni—ni ku endzela timbilu ta hina. Vulavula na hina hi swilo leswi A nga swi tshembhisa eka siku leri. Ingaku Marito lawa tshembhisiweke awara leyi ma nga vonakarisiwa emahlwени ka hina, leswaku hi nga wisa hi ri ni ku tshembha, enkarhini lowu wo karhata lowu U nga wu vula leswaku wu tata ehenhla ka misava, ku ta ringeta vanhu hinkwavo. Kutani hakunene hi fikile eka nkarhi wolowo, Tatana, loko vanhu va ringetiwile. Nakona ku na tiengele to tala to hambanana, kufikela laha ku pfumalekaka na un'we loyi a nga swi tiveki leswaku a nga endla yini hi ku tika. Kambe, Hosi, ndza khongela leswaku U ta endla swi tiveka eka hina, madyambu lawa, leswaku U lahawani na hina, U lahawani ku hi pfuna. Hi nyike swikombelo swa hina, hikwalaho ha swikombela hi Vito ra Yesu. Amen.

Mi nga tshamisa.

⁵ Ndzi kumeke ndzi ndzi hlwerile nyana vusiku byin'wana. Kutani a ndzi tshamela ro ehleketa hi xiteka-marito *lexi*, kambe hi xin'wana xa vakandziyisi. Kambe lexi xi nga *lahawani*, ndza ehleketa, leswaku hi xin'wana lexi ndzi faneleke ku xi yingisela, kumbe ku vulavula eka xona.

⁶ Mundzuku ni vusiku i vusiku bya swakudya, swingaleswi mi nga swi rivali. Ndzi ehleketa leswaku swi...ndza pfumela leswaku swi tivisiwile, laha vanhu va nga yaka kona.

⁷ Hakunene-nene hi tsakela ntirhisano wa n'wina eka swilo leswikulu leswi Hosi ya hina yi swi endlake.

⁸ Sweswi, madyambu lawa, ndzi ehleketa sweswo, ehandle kaloko hi tiva Rito ra Xikwembu, a hi switivi leswi hi nga swi endlaka. A hi ngavi na ripfumelo ku kondza hi tiva ku tirhandzela ka Xikwembu. Kutani, yini, manuku loko hi switiva leswaku i ku tirhandzela ka Xikwembu, Rito ra Xikwembu ri vula swin'wana, kutani hi ta tsakela ku swi landzelela sweswo.

⁹ Sweswi loko Hosi Yesu a ri eku famba-fambeni, tani hi munhu, emisaveni madyambu lawa, a ri nyameni ya ximunhu, kutani A ku, "Mundzuku ku tava na mpfula, siku hinkwaro," kutani a swi ta ndzi olovela ku teka xambhulele loko ndzi suka na mixo, hikuva U swi vurile. Sweswi, loko A nga swivulanga, a ndzi nga ta switiva leswaku ndzi fanele ku langutela yini. Swingaleswi yaleyo hi yona ndlela leyi swi nga xiswona, eka hinkwaswo leswi hi swi endlaka, hi lava ku tiva awara, nguva leyi hi hanyaka eka yona.

¹⁰ Kutani eka lava taka ro sungula, vhiki leri hi ringetile ku komba leswaku Xikwembu, kusukela emasunguleni, xi tivile makumu. Sweswo swi Xi endla lexi nga riki na makumu. Loko Xi ngari na makumu, lexi nga riki na makumu, a hi Xona Xikwembu. Kutani Xi fanela kuva xa matimba hinkwawo, lexi nga kona minkarhi hinkwayo, lexi nga na vutlhari hinkwabyo, lexi nga na matimba hinkwawo, leswaku xi va Xikwembu. Yalawa i matimba hinkwawo, xi tiva swilo hinkwaswo, eka tindzhawu hinkwato, kutani—kutani—kutani xi tiva na makumu kusuka emasunguleni. Loko Xi nga ri tano, swingaleswi a hi Xona Xikwembu.

¹¹ Swingaleswi hakunene ku hava nchumu lowu wu humaka eka muphameri. Hi hina. Kambe ku hava nchumu eRitweni ra Xikwembu; lexi xi tlokolaka tani hi xikomba-nkarhi. Kutani loko awara yaleyo yi fika swona leswaku swi humelela, Rito leri ri nga longoloxeriwela nguva yaleyo, ri humelela. Hi nga ha ehleketa leswaku ra famba... a swi nga humeleli. Minkarhi yin'wana swa humelela kutani hi nga switivi. Yesu u teri, nkarhi wun'wana....

¹² Va teri eka Yena, “Xana hikokwalaho ka yini va—va ...vatsari hinkwavo va ku ‘Eliya u boheka ku vuya kusungula?’” Wa vona, sweswi, a va swi pfumela sweswo. A va pfumela leswaku Eliya u le ku teni.

¹³ Kutani Yesu u va langutile, kutani a ku, “Eliya khale a tile, kambe a mi n’wi tivanga.” Wa vona? Sweswi, wa vona, swi va hundzile vona vatsari, vafundhisi, vadyondzisiwa. Kutani a kuri Yohana Mukhuvuri, kutani u tile hi ndlela leyi Eliya a fanele ku ta hi yona, hambi swi ri tano a va n’wi tivanga.

¹⁴ Kutani sweswi swa hi tungula ku lemuka awara leyi hi hanyaka eka yona, na nkarhi lowu hi hanyaka eka wona. Ehenhleni ka sweswo, ndzi lava ku vulavula madyambu lawa hi: *Rito Ra Xikombiso*.

¹⁵ Tsalwa leri nga tollovelekangiki, hambi Xikwembu xi endla swilo leswi nga tollovelekangiki hi tindlela leti nga riki ta ntolovelu. Sweswo hi leswi Xi swi endlaka Xikwembu, hikuva hi lexi Xi—Xi nga ehandle ka ntumbuluko. Kutani hinkwaswo leswi Xi swi endlaka, Xa—Xa swi endla, Xi nga swi endla ehandle ka ntumbuluko, hikuva hi lexi Xi nga ehandle ka ntumbuluko.

¹⁶ Sweswi, *Rito Ra Xikombiso*. Kutani i ra... Ku na rito eka xikombiso. Ku na rito engatini. Ngati yi vulavurile kusuka emisaveni, ni—ni ku ya emahlwени, “Ngati leyi lulameke ya Abel yi vulavurile ku lwisana na Kayini.” Kutani Bibele yi teri, “Ngati ya Yesu Kreste yi vule swilo leswikulu ku tlula ya Abel.”

¹⁷ Sweswi ntshamiseko wa hina madyambu lawa, kumbe xivono xa hina, xi pfuriwa eka Eksoda. Kutani nkarhi wa Eksoda i nkarhi wa ku humesiwa, kutani eksoda yi le xandleni.

¹⁸ Muxe, nandza wa Hosi, u vitiwile e—e ka ntila wa nfanelo. Kutani a endla leswi a swi anakanya, a dyondzekile swinene eEgipta, a dyondzile hinkwabyo vu—vu vutlharhi bya va Egipta, kutani a swi tikomba tani hiloko a ri na—na ndlela, tani hi kuva a ri ntlharhi eka swa mavuthu, hi laha a kota ha kona ku kutsula vanhu va yena evuhlongeni byebyo, hikuva a ri Faro loyi a ta landzela. Kutani a swi ta n'wi olovela ku swi endla. Kambe, ma swi vona, loko yaleyo a yi tava yi ri mhaka, swingaleswi a ku tava kuri nchumu wa ntumbuluko.

¹⁹ Xikwembu a xi teki swilo swa ntumbuluko. Xi teka swilo leswi swi nga riki swa ntumbuluko ku tikhoriwisa xona N'winyi.

²⁰ Swingaleswi eka makume mune wa malembe ya dyondzo, ni vukulu lebyi a ta byi kuma, ni swo antswa leswi a nga swi kumaka, xidyondzeki xo antswa lexi tokoteke lexi a tava xona; niku twisisa loku humaka eka manana wa yena, mudyondzisi wa yena, leswaku a tava un'wana loyi a nga ta kutsula vanhu; kutani u yile ehandle ni matimba ya ku twisisa ka yena, kutani a ya dlaya Muegipta. Kutani, kusuka eka sweswo, u vonile leswaku matshalatshala ma yena ya tsandzekile, kutani a balekela emananga.

²¹ Kutani hi laha Egipta, hi dyondzo, ri nga n'wi veka ha kona eka makume mune wa malembe, swi tekerile Xikwembu makume mune wa malembe man'wana ku n'wi humesa eka yona, wa vona, leswaku a nga ha tshembheli eka milawu ya dyondzo. A ta tshembhela eka leswi swi nga ehandle ka ntumbuluko.

²² Kutani sweswi nkarhi wu fikile lowu Xikwembu xi nga endla xitshembhiso, eka Abraham, ku ringana madzana ya mune wa malembe ku nga si fika nkarhi wolowo, leswaku mbewu ya yena yi ta luvela etikweni ra vamatiko, kutani va ta humesiwa. Endzhaku ka malembe ya makume mune, va ta humesiwa hi voko ra matimba. Xi ta kutsula vanhu va xona hi voko ra matimba swinene. Kutani loko nkarhi wa xitshembhiso wu tshunela ekusuhi, kwalaho hiloko Xikwembu xi veka Muxe eka xivono. Muxe, eka ku tsandzeka ka yena, u yile emananga.

²³ Sweswi xifananiso lahawani, ku na xifananiso xa kahle lexí hi nga na ntiyiso wa leswaku a hi lavi ku xi kayela. Wa vona? Xifananiso, Xikwembu a xi ri eku humesen ka Israel, vanhu va Xona, ehandle, rixaka, rixaka leri humaka erixakeni. Rixaka leri humaka erixakeni, xifananiso xo saseka xa namunthla, laha Xikwembu xi nga eku vitaneni ka Mutekiwa wa Xona leswaku a huma ekerekeni, Mutekiwa wa Xikreste loyi a humaka eka kereke ya Xikreste, Kereke ya Mutekiwa leyí yi humaka eka kereke, leyí yi nga vitaniwa, eBibeleni, hi kongomisa kona.

²⁴ Ndzi na tinotsi to hlaya na Matsalwa lawa ya nga tsariwa lahawani, eka dyondzo leyí madyambu lawa.

²⁵ Swi vitaniwile, minkarhi yin'wana, "Lava langhiweke, Vahlawuriwa, kumbe Masalelwa ya mbewu ya wansati." A yi vitaniwa, "Mutekiwa," laha Xikwembu, hi vutivi bya Xona lebyo rhanga, xi n'wi xiximile kuva tano. Yaloye i, Mutekiwa loyi a humaka ekerekeni. Wa vona, swilo hinkwaswo i kereke, kambe Xikwembu xi humesa vanhu ekerekeni yaleyo, tani hi Mutekiwa. Xi teri Xi ta swi endla. Nakona Xi swi endlile, xiyisisani, kumbe Xi ta swi endla.

²⁶ Xiyisisani, ma swi vona hi laha Xi endleke ha kona, na hi mukhuva na hi leswi Xi nga swi endlisa xiswona. Hi lava ku languta eka leswi sweswi, tani hiloko Xi humesile Israel, hi laha Xi nga swi endlisa xiswona, na maendlelo lawa Xi—Xi ma endleke.

²⁷ Xiyisisani loko nkarhi wa Rito leri tshembhiseweke loko ri ta hetiseka, Xikwembu xi vitanile Muxé, hi ku xixima loku ko rhanga, kutani xi n'wi hlawulela ntirho. Wa vona? Minkarhi hinkwayo Xikwembu xi kuma munhu a ri emfunghwini, hi nkarhi. A ku na lexi tsandzekaka eka Xikwembu. Xi swi vurile; swi ngaka swi nga tsandzeki. Loko swi nga tsandzeka, swivula leswaku Xikwembu xa tsandzeka, hikuva Xikwembu i Rito.

²⁸ Xiyisisani, sweswi, Rito ri fanele ku vonakarisiwa. Kutani loko Rito ri fanele ku vonakarisiwa, eka xitshembhiso, Xikwembu minkarhi hinkwayo xi rhumela muprefeta ku vonakarisa xitshembhiso xexo, hikuva Rito ra Hosi ri ta eka yena.

²⁹ Muxé, u hlawuriwile khale hi xikongomelo, a vitaneriwele ntirho. A ku ri hava un'wana loyi a ta wu endla.

³⁰ Loko Xikwembu xi—xi vitana munhu leswaku a ta endla ntirho, a ku na un'wana loyi a nga ta teka ndhawu ya yena. Ku hava loyi a nga ta teka ndhawu ya n'wina, a mi tollovelekanga.

³¹ Ndzi tshamela ro hlamala njhani, hi laha ndzi nga tsakelaka ku teka ndhawu ya Oral Roberts, hi laha ndzi tsakelaka ku teka ndhawu ya Billy Graham, un'wana wo fana na yaloye. Kufana na Billy Graham, a famba a ya vulavula na vanhu va vayingiseri, vadyohi hinkwavo va ta eka altari; va tlhela va swi rivala va ya ekaya, va nga ha swiyimeli ni ku swi lwelwa nakambe. A ndzi nga havi Billy Graham, kambe hambi ku ri Billy Graham kuva eka mina. Ha vumbirhi bya hina hi... A ndzi nge swikoti kuva Oral Roberts; Oral Roberts a nge swikoti kuva mina.

³² N'wina, un'wana na un'wana, mi tshame eka rifuwo ra Xikwembu, ntsena endzhawini ya xona. Un'wana u titsona swakudya nkarhi hinkwavo kutani a vulavula na Xikwembu, loko loyi un'wana a hlongola mademonia hikokwalaho ka loyi a nga eku titsoneni ka swakudya. Kambe wa ha ri Miri wun'we wa Kreste wu tirhaka kun'we, hi ntwanano. Loko hi vona manhlampfu lawa ya xidinominexini ya hi phatlulela, sweswo hi swona swi ndzi vavisaka mbilu, wa vona, hikuva sweswo hi swona leswi swi hi hambanisaka. Hi van'we.

³³ A ku na vanhu lavakulu exikarhi ka hina, ku hava vanhu lavakulu exikarhi ka hina. Hinkwerhu ha fana. Hi vana va Xikwembu. Ku na un'we ntsena lonkulu exikarhi ka hina, kutani yaloye i Kreste. Hi fanele ku N'wi tiva. Kutani loko hi lava ku xiximiwa, un'wana ha un'wana, hi ngaka hi ngavi na ripfumelo, hikuva hi na ripfumelo leri ri nga eka un'wana. Hi fanele kuva na ripfumelo eka Kreste. Hi Yena loyi a nga exikarhi ka hina loyi hi faneleke kuva ni ripfumelo eka yena, kutani hi va na ripfumelo eka leswi A nga eku swi endleni ni leswi a hi nyikaka swona.

³⁴ Sweswi, a ku ri hava loyi a ta teka ndhawu ya Muxe. Swi nga ri na mhaka ni leswaku wa baleka, nakona swi nga ri na mhaka leswaku u ringeta ku swi balekela ka ngani, hambi swi ri tano Xikwembu xi tiva leswi Xi nga eku swi endleni. Ntsena a Xi tiva lexi a Xi ta xi teka niku swi endla hi Muxe. Swilo sweswo a swi fanele ku humelela. Sweswi, hlalelani, a ku ri hava loyi a ta teka ndhawu ya yena.

³⁵ Sweswi langutisani. Xikwembu xi n'wi nyikile xikombiso, ku khorwisa ku vitaniwa ka yena niku koxa, loko a yile eEgipta.

³⁶ Sweswi, minkarhi hinkwayo Xikwembu xi nyika murhumiya xikombiso, na rito ra xikombiso xexo. Kutani xikombiso xexo xi tivisa munhu, loko xi tsariwile eka Matsalwa.

³⁷ Tani hi Yohana loko a te, “Ndzi rito ra loyi a huwelelaka emananga.”

Va ku, “Xana u Mesiya xana?”

³⁸ A ku, “A ndzi Mesiya. Kambe ndzi rito ra loyi a huwelelaka emananga, tani hi laha muprofeta Esaya a vuleke ha kona.” U titivisile hi yexe erivaleni.

³⁹ Kutani sweswi, swingaleswi, ha sweswo, hi kuma leswaku Xikwembu, minkarhi hinkwayo, a xi kalanga xi ncinka ndlela ya Xona ya maendlelo ya swilo. A Xi ncinci. Xikwembu xi endla hinkwaswo hi ndlela leyi fanaka, loko Xi—Xi endla endlelo ra Xona kun'we.

⁴⁰ Tani hi laha ndzi vuleke ha kona vusiku byin'wana, Xi endlike xiboho xin'we, vanhu va ta ponisiwa hi ku halatiwa ka Ngati ya Loyi a nga riki ni nandzu. Hi ringetile hinkwaswo, ku ponisa vanhu. Hi ringetile ku n'wi yisa endzhawini laha hi akeke doroba, leri nga endla hi Nebukadnezara. Kutani va akile xihondzo, Nimrod u xi akile. A va ri ni nawu. Nakona a va ri na titempele. A va ri na tikereke. A va ri na mavandla. A va ri na mafambiselo ya dyondzo, mafambiselo ya xidinominexini, va ri eku ringetenka ku tisa vanhu eka Xikwembu. Swona, hinkwaswo, swi feyirile. Swa ha ta feyila minkarhi hinkwayo. Swi vuyelela eka ku halatiwa ka Ngati!

⁴¹ Ndlela ya Xikwembu ya maendlelo ya swilo yi vuriwile eRitweni ra Xona. Kutani Rito leri i nhlavutelo wa khale

wa Yesu Kreste, ku hava leswi nga ta engeteriwa eka Rona kumbe ku hungutiwa eka Rona. “Un’wana ni un’wana loyi a nga ta swi endla,” Bibebe yi teri, “u ta susiwa eka Buku ya Xinyimpfana ya Vutomi,” loko a nga engetela swin’wana kumbe ku hunguta swin’wana eka Rona. Ntsena Ri tekeni hi laha Ri nga tsariwa ha kona.

⁴² Bibebe a yi kali yi lava munhu ku Yi hlamusela, Xikwembu i muhlamuseri Xona hi Xoxe. Xa Ri hlamusela hi ku humelerisa leswi Xi nga swi vula. Sweswo swa swi tshamisekisa. Loko Xikwembu xi swi vurile, kutani Xi swi endlile, swi herile. A Ri kali ri lava muhlamuseri. Bibebe yi teri, “A Ri na nhlamuselo ya le xihundleni.”

⁴³ Ndlela ya Xikwembu ya ku swi endla! Xi tshama xi ri ntiyiso xikombiso lexi xi rhumeriwaka hi Xona, Xi landzelerisa hi rito ra Xona; minkarhi hinkwayo, kusukela, loko Xikwembu xi tava xi rhumerile xikombiso emisaveni. “Sweswi Xikwembu a xi kali xi endla nchumu,” Bibebe yi teri, “ku kondza Xi sungula hi ku xi komba malandza ya Xona vaprefeta.” Sweswi sweswo, n’wina... Loko swi hoxekile sweswo, swingaleswi hinkwaswo ka swona swi hoxekile, wa vona. A Xi endlili nchumu ku kondza Xi swi kombisa ku sungula.

⁴⁴ Kutani muvhumbhi yaloye, muprefeta, u fanele ku tiveka, hi leswi a swi profetaka, hi swi kuma eka Tinhlayo 12:6, leswaku leswi a swi vulaka swa humelela. Swingaleswi, swi pfumeleni. Kambe loko swi nga humeleli, swingaleswi mi nga swi pfumeli. Kutani swi fanelia kuva sweswo, Xona... A swi na mhaka ni leswi a swi vulaka, kutani swa humelela, kutani hambi ku nga va yini; loko swi nga yi hi Rito, kutani swi va swa ha hoxekile. Swi fanele swi va swa Rito. Swi fanele swi tshamiseka eka ntshamiseko na Rito ra xikombiso xa nkarhi wolowo, nkarhi lowu va hanyaka eka wona.

⁴⁵ Sweswi, leswi swi tshembhisiwile hi Xikwembu, leswaku Xi ta kutsula vanhu va Xona hi voko ra matimba swinene. Sweswi, loko Rito leri, a Xi kalanga xi vitana muprista, a Xi kalanga xi vitana rabi, a Xi kalanga xi vitana vurhangeri. Xi vitanile murisi, loyi a humaka entshaveni, mubaleki, loyi a tswariweke, muprefeta loyi a xiximiweke khale loyi a nga lavi ntirho wa yena.

⁴⁶ Loko mi twa vanhu lava va tsakelaka ku va *leswi*, *leswiya*, kumbe *swin’wana*, *swin’wana*, ntsena langutani, Xikwembu a xi kalanga xi va tirhisa. Xikwembu xi hlotile Muxé, xi n’wi kuma. A Xi fanele ku hlota na Paul, leswaku xi n’wi kuma. Xi... I munhu loyi a nga laveki ku swi endla, a va swilavi swilo; swingaleswi Xikwembu xi teka wanuna yaloye, loyi a nga swi laveki ku tirha, leswaku Xi nga ha komba ku kwetsima ka Xona ha swona.

⁴⁷ Sweswi langutani. Swikombiso hinkwaswo—hinkwaswo swa ntiyiso leswi rhumeriweke hi Xikwembu swi landzeriwa

hi rito. Sweswi mi swi lemuka lahawani, tsalwa ra hina i...xikombiso na rito. "Loko va nga pfumeri rito ra xikombiso lexo rhanga, kutani va ta pfumela rito ra xikombiso xa vumbirhi." Sweswi, xikombiso xi na rito. Kutani, sweswi, swikombiso hinkwaswo swa ntiyiso leswi rhumeriweke hi Xikwembu swi na rito, kutani rito lero ri fanele ku vulavula kuya hi Rito leri nyikiweke ra nkarhi wolowo, ntsena kufana.

⁴⁸ Loko rito ri ta, rito leriya ra khale ro fana ni ra khale... Mi vona xikombiso, kumbexani, xikombiso lexi munhu a xiendlaka i xa xikolo xa khale xa mianakanyo, swingaleswi u nga ha vula leswaku, "Sweswo a swi humi eka Xikwembu," loko xiphikelela hi mianakanyo ya xikolo xa khale xa mianakanyo. A xi kalanga xi swi endla. Swi ngaka swi nga endleki. Swi tava swi lwisana na nonganoko wa Xikwembu.

⁴⁹ Swi fanele swi ri swilo leswintshwa. Swi fanele swi ri swilo leswi vanhu va nga swi twisisiki. Swi na...kumbe swi nga rhumeriwi. A swi kali swi lava ku rhumeriwa, loko ka ha ri xikolo xa khale xa ntivo-vukhongeri. Ku fanele kuva swin'wana swo hambana, hambi swi ri tano swi fanela ku tiveka eRitweni, leswaku i swa siku lero. Wa vona, mintiyiso ya Rito ra Xikwembu, yi fanela kuva tano. A ku na leswi swi rhetemukaka eka yona. Swi fanela ku va Ntiyiso; swi fanela ku tiyisisiwa hi Xikwembu, Ntiyiso. Na munhu loyi loyi a swi vulavulaka u fanela ku tiyisisiwa hi Xikwembu, leswaku i muvhumbi wa Xikwembu, kumbe swi hoxekile; a va ha—a va ha swivoni hambi kuri ku swivona, eka hinkwaswo, a va swi pfumeli hambi kuri ku swi pfumela.

⁵⁰ Swikombiso swi—swi huma eka Xikwembu. Xikombiso lexi landzelaka... Kumbe, rito leri landzelaka xikombiso xexo ri fanela kuva rito ra Xikwembu leri vuriwaka eRitweni, ra nguva yaleyo. Xana ma swi twisia xana? [Nhlengeletano yi ku, "Amen."—Muhleri.]

⁵¹ Xikwembu xi nyika swikombiso. Xana Xi swi endlela yini xana? Minkarhi yo tala xi nyika swikombiso! Xi va byerile hi laha va nga ta Xi langutela eka swona, swikombiso. Xikwembu xi nyika swikombiso ku koka rinoko ra vanhu va Xona. Sweswi a hi dyondzeni leswi, hi ku hetiseka. Wa vona, swikombiso swi nyikiwile ku koka rinoko ra vanhu. Hikuva, loko xikombiso lexi rhumeriweke hi Xikwembu xi nyikiwile, Xikwembu xi tilulamiserile ku vulavula. Xikwembu xi tilulamiserile ku vulavula, loko xikombiso xi nyikiwile. Loko xi huma eTilweni, xi huma eka Xikwembu, kutani Xikwembu xi tilulamiserile ku vulavula nakona Xi le ku ringetenka ku koka rinoko ra vanhu.

⁵² Kutani Rito ri ta eka muprefeta wa Xona. Nakona muprefeta u tiviwa hi xikombiso lexi a xi kombisaka, kutani u ta eRitweni nakona Rito ri vonakarisiwa. Sweswo swa swi

tshamisekisa; a swi kali swi lava ku tolokiwa. Khale Xikwembu xi swi hlamuserile. Wa vona, ntsena swi hetisekile tani hi laha swi nga xiswona.

⁵³ Xiyisisani sweswi, Xikwembu xi nyika swikombiso ku koka rinoko ra vanhu.

⁵⁴ Lahawani, xihlahla lexi xi pfurhaka a kuri xikombiso xa ku koka muprefeta rinoko; xihlahla lexi xi pfurhaka. Muxe a ri, ethelwesi ra mananga, a ri karhi a byisa tinyimpfu ta yena, murisi wa tinyimpfu wa mudyuhari, wa malembe ya makume nhungu, wa malebvu yo leha; a famba hi le tlhelo, hi xindledyana xa khale xo tolreveleka, ni mixo wo hisa, kumbexana. Kutani swingaleswi, xikan'we-kan'we, lahaya ku humelela Ndzilo exihlahleni, kutani xihlahla xexo xi nga heli. Kunene, sweswo a swi nga tolrevelekanga.

⁵⁵ Sweswi, Muxe tani hi wa sayense, laha, a dyondzisiwile hi vutlharhi hinkwabyo bya Maegipta, kutani a vari va n'wat-tisayense lavakulu ktlula hina namuntha; swingaleswi hi kuva a ri wa sayense, a languteka kukotisa loko a te, "Sweswi ndzi ta ya ndzi ya vona muxaka wa... wa khemikali leyi yi ngafafazeriwa eka matluka lawa, laha murhi a wu nga tshwi." Wa vona, loko a lo wu tshunelela hi ndlela ya xisayense, a Xi tava xi nga vulavulanga na yena.

⁵⁶ Kutani swingaleswi swi tano namuntha, loko hi ringeta ku xi tshunelela hi xikolo na dyondzo, hi ndlela ya xisayense, mi ta hupa Xikwembu hi timayili ta timiliyon. Xi tshuneleli kufana na Muxe, na tintanghu ta yena leti a ti hluvuleke; hi ku titsongahata, ni xichavo.

⁵⁷ Kutani, sweswi, ku na xikombiso xo koka muprefeta rinoko. Sweswi, kwalahaya, xikombiso xexo a xi fanele kuva na rito. Kutani loko rito rero ri vulavurile, loko Ri ngari ra Xitsalwa, a ndzi pfumeli leswaku muprefeta a tava a ri yingiserile. Kambe langutani hilaha rito ra Xitsalwa a ri ri xiswona ri fambisana na xikombiso, a xi tiyisisa leswaku i Xikwembu, hikuva Xi te, "Ndzi twile ku rila ka vanhu va Mina, kutani Ndzi tsundzukile xitshembhiso lexi Ndzi va tshembhiseke xona." Wa vona, xikombiso, swingaleswi rito ra Xitsalwa ri le ndzhaku ka xikombiso.

⁵⁸ Sweswi sweswo swi komba kahle leswi ndzi swi vuleke eku sunguleni. Xi fanele xi va xikombiso xo huma eka Xikwembu, kutani, loko xi ri xona, ku na rito ra Xitsalwa endzhaku ka xona, ra xitshembhiso xa siku lero. Ku ngari xikolo lexi fanaka xa khale; va rabi na van'wana lava a va ya eswikolweni, kumbe hinkwaswo, hinkwavo, hinkwavo, vaprista, ni ku ya emahlwesi. Kambe leswi hi swin'wana swi ntshwa, kutani i swa Matsalwa, i xitshembhiso; kutani i xikombiso xo koka muprefeta rinoko.

⁵⁹ Kutani swingaleswi, Xi teri sweswi, a nga si ya lahaya, u fanele kuva ni swin'wana leswi swi nga ta n'wi tiyisisa tani hi muprofeta, wa vona, va nga si n'wi amukela. A ku, "A va nga vuli leswaku Hosi a yi tivonakarisanga eka mina."

⁶⁰ Xi ku, "Swingaleswi, ndzi ta ku nyika swikombiso swimbirhi swo swi endla, kutani sweswo swi ta koka rinoko ra vanhu. Kutani loko rinoko ra vanhu ri kokekile, kutani vula marito lama eka vona, 'Ndzi Xikwembu xa Abraham, Isaka na Yakob, kutani Ndzi tsundzuke xitshembhiso xa Mina.' Kutani Ndza ku rhuma leswaku u ya va kutsula, kutani Ndzi tava na wena."

⁶¹ Xana mi kale mi xi lemuka xikombiso lexo rhanga xana? U vile ni maendlelo hinkwawo yo encenyetiwa hi vona. Un'wana na un'wana u ringetile ku cukumetela tinyoka ehansi. Sweswo...Loko sweswo ku ngari mafambelo ya vanhu, a ndzi tivi leswaku i yini, wa vona. Wa vona? Kambe i rito ra muxaka muni leri a vari na rona endzhaku ka xona xana? A ku na nchumu; rito ra Egipta ra le misaveni. Ambi va nga endla xikombiso, kambe va hava rito leri nga endzhaku ka xona, ro xi seketela. Kambe Muxe a ri ni LESWI HOSI YI SWI VULAKA. Sweswo hi kona ku hambana ka kona. Vaencenyeti eku heteleleni va ya eka xona nkarhi wo leha, kambe emakumu a vo titlangela.

⁶² Xana ma swi tiva leswaku Bibebe yi teri swi ta tlhela swi humelela nakambe emasikwini ya makumu? "Kukotisa Yan na Yambres va kaneteke Muxe hakona, swingaleswi vanhu va miehleketo leyo biha va nga swi endlisa ku yini ku ya hi Ntiyiso." Xana Ntiyiso i mani? Yesu Kreste i Ntiyiso. Wa vona? "Miehleketo leyo biha ku ya hi Ntiyiso."

⁶³ Sweswi Yehovha u ta vulavula hi Rito ra Yena leri tshembhisiweke. U fanele ku kuma muprofeta loyi a nga tilulamisela ku n'wi rhuma. Hikuva, minkarhi hinkwayo swi tshama swi ri emiehlekeweni ya Xona, hi ntila wa maendlelo ya Xona, minkarhi hinkwayo xi rhuma muprofeta wa Xona na Rito, kutani xi tiyisisa muprofeta.

⁶⁴ Nakambe, lexi i xikombiso lexi tshembhisiweke. Muprofeta, hi yexe, hi yena xikombiso. Bibebe yi vule tano. Loko mi vona ku hela ka minkarhi, kutani mi vona... Tekani matimu ya Bibebe, mi ya hlaya. Loko mi vona ku hela ka nkarhi; hiloko mi vona muprofeta a humelela, kuva ku ri xikombiso xa kuavanyisa. Xikwembu xi ya ekuavanyiseni ka misava, loko Xi...kumbe rixaka, kumbe vanhu, loko mi vonile muprofeta loko a ta. Ndzi chumayerile hi swona eka nchumayelo, n'wina vanhu lava mi kandziyisaka ma swi tsundzuka, eka... *Xikombiso Xa Ntiyiso Lexi Nga Tshama Xivoniwa*. A va tshamela ro xi languta, a va endla tano minkarhi hinkwayo, kambe a kuri xikombiso xa ku ta ka ku avanyisa.

⁶⁵ Sweswi Rito ra Xona ri hetisekile eritweni ra Xona. Leswi Xi swi tshembhisaka, swingaleswi Xi hetisia Rito ra Xona hi rito.

⁶⁶ Ku ta ka muprefeta i xikombiso xa xilemukiso xa leswaku ku avanyisa ku le kusuhi. Swi tano minkarhi hinkwayo. Mi nge ntsena ndzi mi tshahela kun'we.

⁶⁷ Langutani Nowa loyi a pfuxiweke eku heteleleni, emi—emi eminkarhini ya ndhambhi ya misava, muprefeta a profeta. Xana a kuri yini? Ku avanyisa ku ba xikan'we-kan'we endzhaku ka sweswo.

⁶⁸ Muxu u yile eEgipta, muprefeta loyi a tiyisisiweke a ri ni swikombiso swa vuprefeta. Xana ku humelerile yini? Ku avanyisa ku bile Egipta endzhaku ka sweswo.

⁶⁹ Eliya u tile eka xivono, muprefeta, kutani a profeta Akab na rixaka lero. Xana ku humelele yini? Ku avanyisa ku bile endzhaku ka sweswo. Hi swona.

⁷⁰ Yohana Mukhuvuri a ta, tani hi xikombiso. A ri muprefeta. A ri xikombiso xa muprefeta lexi xi nga ta emisaveni. Va n'wi tivile, loko a ta, Mesiya a ta vulavula, endzhaku ka yena. A swi fanelia ku va tano, hikuva, a ku—a kumile vahlawuriwa.

⁷¹ Leswi swi endleriwela ku kuma vanhu lava nga hlawuriwa lava va nga huma, kukotisa eminkarhi ya Nowa. Kukotisa eminkarhini ya—ya Eliya, nkombo wa magidi kumbe madzana ya nkombo, kumbe hilaha a vari ha kona, lava va nga khinsamelangiki, ku va vitana. Yohana a vitana vahlawuriwa, kutani a va nyiketa Kreste loko A ta, a ncinca kereke ya yena, a ku, "Ndzi fanele ku ya ehansi, Yena a tlakuka, hikuva," u teri, "Ntsena ndzi rito ra Yena, leri ri huwelelaka emananga, 'lulamisani ndlela ya Hosi.'" Kutani Yesu a ta hi ndlela yaliya. A kuma vahlawuriwa va ti lulamisile ku twa rito ra Xikwembu, sweswo hi leswi xikombiso xa vuprefeta xi nga xiswona. Oho, loko mi landzelerisa mahungu lawa, kumani mu...ma lulamisa vahlawuriwa. Ku ngari van'wana, va ngaka va nga swi twi. I vahlawuriwa lava vitaniweke.

⁷² Xana Ntsumi yaleyo a yi te kwihi, eSodoma, leyi nga endla xikombiso xexo? Eka Abraham na ntlawa wa yena. "Fambelani ekule na Sodoma; ri ya eku tshweni!" Wa vona? Yesu u tshembhisile leswaku swi ta tlhela swi vuyelela, ma swi tiva, nakambe, eka Sodoma leri. Sweswi xiysisani.

⁷³ Xana swi endla yini? Swi lulamisela vahlawuriwa eka xisirhelelo xa Xikwembu, kukotisa hi nkarhi wa Nowa, ni kuya emahlweni.

⁷⁴ Xana swi endla yini? Swi sola lavo tlhariha lava nga pfumeriki, eka ku avanyisa. Swi tano minkarhi hinkwayo. Ku fularhela tintswalo, ku hava lexi xi nga sala handle ka

ku avanyisiwa. Swingaleswi swi kuma lowo—lowo tlhariha ni loyi a nga pfumeriki leswaku va tilulamisela ku avanyisiwa. Hikuva, xana va endla yini? Va xi sola.

⁷⁵ Hi xona xivangele xa kuva Vayuda va dya nyama ley i yi nga ya vona. Hi xona xivangelo xa kuva ngati yi khulukile edorobeni loko Tito, generali lonkulu wa Rhoma, a gadile a famba kwalahaya, swi hi kokwalaho ka ku tsan'wa Moya lowo Kwetsima. Ku avanyisa ku fanele ku ta hikuva va Wu endle xihlekiso. Yesu u va byerile, loko va N'wi vitanile Beelzebub, loko A te, "Ndza mi rivalela," ndzivalelano a wu nga se endliwa, "kambe," a ku, "loko Moya lowo Kwetsima wu ta wu ta endla swo fana, loyi a nga ta vulavula a lwisana na Wona a nge rivaleriwi." Kutani rixaka lero a ri kalanga ri rivaleriwa eka swona. Hi swona.

⁷⁶ Ku avanyisa eka lava nga pfumeriki! Swi vekiwile lahaya hi xikongomelo, ku nyika ku vonakala eka mupfumeri, ni munyama eka loyi o ka a nga pfumeriki. Ntsena tani ni Langavi ra Ndzilo hilaha a ri ri hakona; Ri endlile ku vonakala, ku pela etikweni ra xitshembhiso, ni munyama eka lava nga pfumelangiki. Swikombiso swa Xikwembu swi endla tano hi minkarhi hinkwayo, swi xokola mahlo ya lava nga pfumeriki, kutani swi nyika ku vona niku vonakala loku ku yaka eka mupfumeri. Sweswo hi swona Swi nga rhumeriwela swona.

⁷⁷ Loko vuprofeta bya yena byi ri bya ntiyiso, loko vuprofeta bya muprofeta byi ri bya ntiyiso kutani byi humelela, swingaleswi i xitshinyo xa Xikwembu. Sweswi eka Tinhlayo 12:6, hi kuma swo fana, Matsalwa.

⁷⁸ Bibele yi tsariwile hi vavanuna lava. Sweswi loko hi hlaya Petro wa Vumbirhi 1:21, Yi ri, "Vanhu va khale, va fambisiwile hi Moya lowo Kwetsima, va tsarile Bibele."

⁷⁹ Ni le ka Vaheveru 1:1, laha hi vulavuleke hi yona vusiku byin'wana, "Xikwembu, xi vulavurile khale na vatatana hi minkarhi leyo tala na mikhuva leyo tala hi vaprofeta, hi masiku lawa ya makumu xi vulavurile hi Yesu Kreste, N'wana wa Xona."

⁸⁰ Langavi ra Ndzilo, xikombiso; rito...kambe ri—ri rito a ri ya eku vulavuleni. Langavi ra Ndzilo exihlahleni, a kuri rito leri ri nga tekeriwa enhlokweni leswaku Xikwembu xi tilulamisela ku vulavula.

⁸¹ Xiyisisani swinene sweswi, mi nga swi kayeli leswi. Loko Miriam a hlekile makwavo wa yena, Muxe, kutani a ri muprofeta wa xisati loko a ta n'wi hleka, kutani Xikwembu xi enhlile hi Langavi ra Ndzilo, Muxe a swi tiva leswaku Xikwembu a xi tilulamisela ku vulavula. A xi ri xikombiso. Kutani rito leri ri nga xi landzela, ri te, "Xana a wu xi chavi Xikwembu xana?" Xi ku, "A kuna un'we etikweni loyi a fanaka na nandza wa Mina, Muxe."

⁸² Va endle swo fana loko va tava va pfukile kutani va ku... Loko Dathan a tava a pfukile, kutani loko Korah, loyi a nga vula swin'wana swo lwisana na yena, "Ku na vanhu vo tala vo kwetsima ktlula wena. U ehleketa leswaku hi wena ntsena entlaweni." Xikwembu xi xiximile Muxe entirhwени walowo!

⁸³ Kutani loko va ringetile ku kuma ntlawa wun'wana leswaku va famba na wona, va tiendlela vandla ra vona, Xi teri, "Tihumesi eka vona. Ntsena ndzi tava avanyisa. Ndzi tava herisa," kutani Xi swi endlile. Misava yi va kumile.

⁸⁴ Sweswi hi kuma leswaku minkarhi hinkwayo kuva kuri ndlela ya Xikwembu. Langavi ra Ndzilo ri kombissa leswaku Rito ri tilulamisela ku vulavula. Oho, Texas, u nga va bofu njhani? Xana ma ha ku tsundzuka eHouston. Sweswi ku na Rito leri landzelaka xikombiso.

⁸⁵ Muxe, a ri muprefeta wa xikombiso xa Israel, u tshembhisile leswaku Rito ri lulamile leswaku ri tiyisisiwa.

⁸⁶ Ri hetisekile njhani Rito ra Xikwembu, hi ku endlela, nkarhi wun'wana na wun'wana! Ntsena kufana na Urim Thummim, tani hi laha ndzi swi vuleke, vusiku byin'wana. Urim Thummim a ri ri kwalahaya, kutani handle ka loko xikombiso xexo xi nga ta eka Urim Thummim ya leyo, rito a ri tivekanga. Ku fanela kuva na xikombiso. Xikombiso xi tiyisisa rito. Na rito ri tiyisisa xikombiso, leswaku xi huma eka Xikwembu. Rito ra xikombiso ri vula "ina" kumbe "ee." Loko Xikwembu xi xi alela, swingaleswi Rito ri ri "ee." Loko xikombiso xi ri kona lahaya, Xikwembu xi ri "ina." Ntshamiseko wa Xikwembu a wu kalanga wu ncinka. Hi nga ha vulavula tiawara to tala hiswona, kambe a wu kalanga wu ncinka.

⁸⁷ Langutani, muprefeta Yonasi, langutani xikombiso xexo. A ri endleleni ya ku ya eTarshish. U sungurile kuya eNinivha, kutani a—a teka ndlela yo ya eTarshish. Votala va n'wi sola Yonasi. Yonasi a nga lulameriwanga hi ku soriwa. A ri muprefeta. "Minkondzo ya lavo lulama yi lerisiwa hi Hosi," kutani u sungurile ni rendzo ra ku ya eTarshish. Kutani hi ringeta ku n'wi sola wanuna loyi, kambe Yesu a nga n'wi solanga.

⁸⁸ Xiyisisani, A ku, "Kukotisa Yonasi loyi a ri ekhwirini ra nhlampfi, masiku manharhu ni vusiku bya kona," a swi ri xikombiso, "swingaleswi N'wana wa munhu u tava embilwini ya misava, masiku manharhu ni vusiku bya kona. Kutani rixaka lero biha na rixaka leri hungukiweke va lavana na xikombiso, kutani a ku nge hevi na xikombiso lexi va nga ta nyikiwa lexi xi humaka eka Xikwembu, tsundzukani, kambe xikombiso xa Yonasi." Xana a xi ri xihi xikombiso xa Yonasi ke? Ku pfuka ka vafi. Kutani leri i rixaka ra Sodoma, leri nga hungukiwa, ku hungukiwa ka ximoya, ku...ku

tinghenisa evumbhiseni bya ximoya byo lwisana na Ntiyiso wa Xikwembu, hi ku Wu endla xihlekiso. "Rixaka ro biha leri ri nga hungukiwa ri lavana na xikombiso, nakona va ta xikuma, xi tava xi ri xikombiso xa ku pfuxiwa ka vafi." Langutani, Yonasi...

⁸⁹ Vanhu va vona a va ri vahedeni, nakona a ri ri lerikulu... A ri ri doroba ra bindzu. Tifeme letikulu a ti ri ta tinhlampfi. A va rhumela tinhlampfi etikweni hinkwaro. Vanhu a va ri vaphasi va tinhlampfi. Walowo a wu ri ntirho wa vutomi. Nakona a va ri vahedeni, a va gandzela swifuwo ni swifaniso, kutani va hundzuka lavo biha swinene.

⁹⁰ Kufana ni rixaka leri sweswi, ri nga talela hi timhaka ta masangu na Hollywood, ni mixaka ya swona hinkwaswo, hambi ku ri etikerekeni. Kutani xiysisani leswi humelelaka. Hikokwalaho ka yini, minkarhi yin'wana xikombelo xa timhaka ta masangu etikerekeni xi vitaniwa leswaku i xa manguvalawa. Xana rixaka leri ri nga yimisa ku yini ehansi ka nchumu wo kotisa walowo xana? Mi tivitana Vakreste, kutani mi ri na maendlelo yo kotisa ya lawa, xana ri nga yimisa ku yini?

⁹¹ Tani hi munghana wa mina wa kahle, Jack Moore, u te, malembe lawa ya nga hundza, "Loko Xikwembu xi nga pfumelela rixaka leri ri ngheneleriwa hi leswi, Xi ta boheka, tani hi Xikwembu lexilulameke, ku pfuxa Sodoma na Gomora, niku kombela ku rivaleriwa kuva xi va hisile."

⁹² Ma boheka ku ya avanyisiwa. A ku na ndlela yin'wana yo swi amukela. Swi tsalen'i ehansi eTibibeleni ta n'wina. Ndzi le ku khalabyeni. Ma swi vona loko swi nga yi eku avanyisiweni. Loko ndzi nga hanya vutomi bya ntoloveloo, ndzi ta swi vona, nkarhi wa ntoloveloo. Malembe man'wana lamantsongo swi ta hundzuluka.

⁹³ Yonasi. Hinkwavo a va ri eku phaseni ka tinhlampfi, hi nkarhi wa ni nhlikanhi, kutani lahawani ku tile xikwembu xa lwandle, xi humeleta, nkavangaheti, xi tsutsumela eribuweni kutani xi ya hlatela muprofeta eribuweni. Xikombiso lexi hlamarisaka!

⁹⁴ Xikwembu xi tshunxile muprofeta wa Xona, na hungu. Swingaleswi va xi vonile xikombiso, va xi pfumela xikombiso, sweswi ri kwihi hungu? "Hundzukani!" Rero a ku ri rito ra xikombiso. Rito ra xikombiso ri ri, "Hundzukani, kumbe endzhaku ka makume mune wa masiku mi ta herisiwa." A va swi tiva ku antswa ku hundzuka.

⁹⁵ Yesu u teri, "Va ta avanyisa rixaka leri, hikuva va hundzukile hi ku chumayela ka Yonasi; lonkulu eka Yonasi u lahawani."

⁹⁶ Rito a ri ku, "Hundzukani, kumbe hi masiku ya makume mune mi ta herisiwa."

⁹⁷ Muprofeta Yohana, u humelerile, xikombiso xa muprofeta loyi a humeleleke, endzhaku ka mune wa mandzana ya malembe ku nga ri na muprofeta. A va ri ni lava va vutlharhi. Ntsena ndzi ehleketa hi thyaka leri a va ri na rona! Mune wa madzana ya malembe, ku nga ri na muprofeta, kambe nkarhi wu tshunerile lowu Mesiya a fanele ku ta. Sweswi, Yohana a ri xikombiso, kuva a ri muprofeta, leswaku Mesiya a tilulamiserile ku vulavula, rito ra xikombiso; hikuva, eka Malakiya 3, hi kuma leswaku, “Ndzi ta rhumela murhumiwa wa Mina emahlweni ka Mina.” Eliya u ta fanele ku ta emahlweni ka mombo wa Xona, kutani Eliya a ta. Yohana, hi moyo ni matimba ya Eliya, u tile a ta endla leswi Matsalwa ya swi vuleke, kutani a va swi twisisangi. Matsalwa ya vula tano. A ri xikombiso, xikombiso xa muprofeta, xa leswaku Mesiya u ya eku vulavuleni.

⁹⁸ Muprofeta yaloye, a switiva kahle, ku kondza a ku, “Hikokwalaho ka yini, ku ni Un’wana a yimeke exikarhini ka n’wina, kona sweswi. Yaloye i Mesiya loyi ndzi vulavulaka hi yena, u le xikarhini ka n’wina. A ndzi lulameriwanga hi ku tshunxa tintanghu ta Yena. Hi Yena a nga ta mi khuvula hi Moya lowo Kwetsima na Ndzilo. Mina ndzi mi khuvula hi mati, hi ku hundzuka, kambe U tava endzhaku ka mina. U le xikarhi ka n’wina sweswi.”

⁹⁹ Siku rin’wana u vonile Wanuna lontsongo a ri ekuteni, a ta. U vonile Langavi lero ra Ndzilo, hi xivumbeko xa Tuva, ri enhla ri huma Etilwени; Rito, ri ku, “Loyi i N’wananga loyi ndzi n’wi rhandzaka, Loyi Ndzi tsakelaka ku tshama eka yena.” Ri ku, “Loyi Ndzi tsakelaka ku tshama eka yena,” kova riendli emahlweni ka riengereti, swingaleswi swa fana. “Loyi Ndzi tsakelaka ku tshama eka yena,” kumbe, “loyi Ndzi tsakelaka ku tshama eka yena,” a swi kali swi hambana. Xiyisisani, “Ndzi tsakelaka ku tshama eka Yena.”

¹⁰⁰ Yohana u teri, “Ndzi na vumbhoni bya leswaku hi Yena loyi a ndzi byyeleke emananga,” ku ngari eka seminara, “emananga, u teri, ‘Ehenhla ka Yena ndzi vona Moya wu xika, kutani wu tshamisa kona,’ amen, ‘Hi Yena loyi a nga ta khuvula hi Moya lowo Kwetsima na Ndzilo.’ Nakona ndzi na vumbhoni bya leswaku i Ntiyiso.”

¹⁰¹ Xana a kuri yini? Muprofeta yaloye a ri xikombiso xa leswaku Mesiya a tilulamiserile ku vulavula.

¹⁰² Xana a ri mani Mesiya? Mesiya a ri Rito, hi ku hetiseka. A ri ku hetiseka ka Xikwembu. Vaprofeta a vari Rivoni nyana lerintsongo. Kambe eka Yena a kuri na Rivoni lero hinkwaro, a ri ri eka Mesiya, hikuva A vonakarisa Xikwembu, loyi a endliweke Emmanuel, Xikwembu lexi nga exikarhi ka hina xi ri enyameni.

¹⁰³ Mesiya a tilulamiserile ku vulavula. Kutani xiyisisani, Bibele yi ri, leswaku, “Rito ra Hosi ri ta hi muprofeta.”

¹⁰⁴ Sweswi lahawani ku yimile Yohana, laha Yesu a ngeteri “I muprofeta lonkulu loyi a nga tshama a hanya.” Yesu u vule tano, eka Matewu ndzimana ya vu11, “Xana a mi ya vona yini, wanuna loyi a tsekatsekisiwaka hi mheho hinkwawo, kereke *leyi* ya vito yi ri, ‘Ndzi ta mi nyika swo tala; mi endla *leswi*? Ku ngari Yohana! Ee, ee. Munhu loyi a nga susumetiwa, loyi a nga xisiwa? Ee, a ri wo tiya, muprofeta wo khwaxa. Xana a mi ya vona wanuna loyi a ambaleke nguvu ya vuprista xana?” Kutani A ku, “Ee, va tshama etindlwini ta tihos. Va teka lavantsongo, va ntswontswa vana, kutani va lahla swidyuhati. I muxaka wolowo. A va tivi nchumu hi Tlharhi ra swikhomo swimbirhi. Swingaleswi xana a mi ya vona yini, muprofeta xana?” A ku, “A tlula kuva muprofeta!” Hi ndlela *leyi*, a ri murhumiwa wa Ntwanano, loyi a nga tshembhisiwa hi Xikwembu ku n’wi rhumela.

¹⁰⁵ Kutani xiyisisani lahawani, Yohana a yimile ematini, a ri eku khuvuleni, a ku, “U le kuteni.”

¹⁰⁶ Kutani hi leri Rito, a ra hari eMatilweni, kambe ri endliwile nyama. Rito i nyama, xana ku humelerile yini kwalaho? Xana hi xihi xileriso xa Matsalwa ya Xikwembu xana? Rito ri tile eka muprofeta, a ri emananga, na le xiziveni. Rito ri tile eka muprofeta.

¹⁰⁷ Yohana u langutile ehenhla, kutani a ku, “Hi mina loyi a faneleke ku khuvuriwa hi Wena.”

¹⁰⁸ Kutani murhandziwa, makwerhu wa mudyuharhi, Doctor Davis, wa kereke ya Missionary Baptist, loyi a ndzi khuvuleke hi riphumelo ra Xikreste, loko a ri kona lahawani madyambu lawa, a ndzi vuli ku vavisa vutitwi bya yena. Hikuva, u tshama lahawani eTexas, u huma lahawani eTintshaveni ta Davis. Kambe ndzi tsundzuka loko hi phikizana hi sweswo siku rin’wana, kutani ntsena a ndzi ri mufana. Kutani ndzi teri, “A swi twali, Doctor Davis.”

¹⁰⁹ A ku, “Ku humelele yini, kuthula loko Yesu a lo khuvula Yohana, kutani Yohana a khuvula Yesu, hikuva Yohana a nga se khuvuriwa.” A swi languteki kahle eka mina.

¹¹⁰ Ndzi tshamele ro rindzela, ndzi hlalela, ndzi hlamala. A ndzi nga ta vula nchumu ha swona, handle ka loko siku rin’wana loko Hosi yi swi hlavuterile.

¹¹¹ Sweswi langutani leswi Yesu a nga swi vula. Yohana u teri, “Hi mina loyi a ndzi fanele ndzi khuvula hi Wena, kutani hikokwalaho ka yini U ta eka mina xana?”

¹¹² Yesu a ku, “Ndzi pfumelele sweswi, hikuva hi fanele ku hetisisa leswo lulama hinkwaswo.”

¹¹³ Yohana a N’wi tiva leswaku A ri mani. Ku na varhangeri vambirhi va misava, varhangeri vambirhi va kereke, Xikwembu na muprofeta wa Xona, va yima swin’we. Sweswi, langutani, a va lava ku tiva.

¹¹⁴ Yesu a ku, “Ndzi pfumeli sweswi, sweswo hi swona, kambe hi fanele ku va lava hetisaka ku lulama, Rito leri tshembhisiweke.”

¹¹⁵ Xitlhavelo xi fanele ku hlantswiwa xi nga si kombisiwa. Yohana u khuvurile Yesu hikuva A ri Xitlhavelo. Wa vona? Xitlhavelo xi fanele ku hlantswiwa xi nga si kombisiwa. Xi famba lahaya, kutani Xitlhavelo a xi hlantswiwile, kutani swingaleswi Xi kombisiwile kahle. A ku, “Xexo i Xinyimpfana xa Xikwembu.”

¹¹⁶ U yile eribuweni, kutani hi lowu Moya wa Xikwembu wu xikelaka eka Yena, wu ku, “Loyi i N’wananga loyi a rhandzekaka.” Wa vona, hi kona A kombisiwaka a vanhwini. Kambe loko Xitlhavelo xi nga si kombisiwa, xi fanele ku hlantswiwa ku sungula; walowo i nawu wa Testamente ya Khale. Hi swona.

¹¹⁷ Mesiya a tilulamisela ku vulavula, hikuva lahayani a kuri na xikombiso xa muprefeta. Kutani loko va vonile leswaku muprefeta u ta eka xivono, endzhaku ka mune lawa wa madzana ya malembe ku ngari na un’we, a va swi tiva, leswaku rito leri a ri landzela a ri ri ra Mesiya.

¹¹⁸ Sweswi n’wina vahlaii va Bibele ehleketa swinene xinkadyana. Hlalelani ntumbuluko wa yena, xana va n’wi hupe njhani? Xana va n’wi hupe njhani ku tiva leswaku a kuri yena, Yohana xana? Ntumbuluko wa yena wu tivisiwile, moya wa yena na ntumbuluko wu tivisiwile leswaku i Eliya. Sweswi xiyisisani moya. Sweswi, a ri Yohana Mukhuvuri, kambe moya wa Eliya a wu ri ehenhla ka yena.

¹¹⁹ Xiyisisani, kusungula, Eliya a ri munhu loyi a rhandza mananga. Wa vona? Kutani Yohana a ri munhu wa le mananga.

¹²⁰ Kutani Eliya a ri munhu loyi a sola mafambiselo ya lawa ya vandla, hi siku lero, ni hinkwaswo leswi a ri na swona. Swingaleswi swive tano nile ka Yohana, “N’wina rixaka ra tinyoka. I mani a nga mi tshinya ku balekela vukarhi xana? A mi sungulanga mi ku, ‘Ndzi na *leswi*, *sweswo*, kumbe *swin’wana*.’ Xikwembu xa swi kota hi maribye lawa ku pfuxa vana va ya eka Abraham.” Xana ma yi vona mi ntumbuluko mimbirhi xana?

¹²¹ Kutani langutani Eliya, u sorile hinkwavo va Yezabele vo tiphontsa swikandza va siku ra yena, vavasati va kona va vugangu. Xana Yohana u endlile yini xana? Swo fana, eka va Heroda. Ha vumbirhi bya vona, hiswona swi va vangeleke rifu.

¹²² Langutani Eliya, endzhaku kaloko a endlile ntirho lowukulu, u vile na mbitsi, a pavalala lahaya a khongela Xikwembu leswaku xi n’wi teka. Yohana u endlile swo fana, hambi ku ri ku pavalala lahaya a rhumela vadyondzisia va yena, a ku, “Fambani mi ya N’wi vutisa. Leswaku hi Yena kumbe ha ha languterile Un’wana xana?” Yesu a switiva sweswo.

¹²³ A ri Eliya. Walowo a wu fanele wu va ntumbuluko wa yena. U tiviwile ku kotisa Eliya leswi a ri xiswona. A ri eka moyo wa Eliya.

¹²⁴ Wu fanele ku ta ka ntlhanu, moyo wolowo wu tano, leswaku wu ta tirhisiwa: Eliya, Elixia, Yohana, Malakiya 4, kutani wu ya eka Vayuda. Hi masiku yo hetelela, hi le ka wona madyambu lawa, moyo wa Eliya. Xiyisisani sweswi.

¹²⁵ Namuntlha, ndzi mi lava mi langutisa vaprofeta va Akab va ximanguva lawa namuntlha, va pfumelela va Yezabele va vona va kerha misisi, va tipenda-penda swikandza swa vona, va ambala swo koma, va dzaha tisigarete, ni hinkwaswo, "Swi kahle." Vaprofeta va Akab wa hina namuntlha, va ya na swona eswikolweni swa vona, hakunene, va rhangeriwa hi mikhuva leyi yi nga endlifa hi munhu na tidinominexini. Xana i yini? Vaprofeta va Akab.

¹²⁶ Hi lava Mikiya un'wana loyi a nga ta nghena eka xivono. Kumbe hi nkarhi wa Akab, Eliya u tile eka xivono. Yaloye a ri loyi, a tshembhisiweke.

¹²⁷ Va ri kuva rhangeleni, hi ndlela leyi va lavaka ku famba ha yona. Loko va nga swilavi, a va nga ha va fundhi kun'wana lahwani, va ta famba va ya joyina *leyi* kutani va tama va ha hlaysia ku tivula ka vona—vona—vona—Vukreste.

¹²⁸ Kunene, a va nga kalanga va ponisiwa, emasunguleni. Ntumbuluko wa vona wa khorwisa. Xana mi nga kuma tidiriva ensinyeni wa mitwa xana? Xana mi nga kuma makalavatla evhinyweni ya makwembe xana? Hi ntumbuluko wa vona va kombisa leswaku a va lavi nchumu ha Rito. Va Ri endla xihlekiso, niku Ri sandza. Loko ku tsariwile leswaku, "LESWI HOSI YI SWI VULAKA, swilo leswi swi ta humeleta," kutani va Ri hleka, va Ri endla xihlekiso.

¹²⁹ A swi hlamarisi loko Yesu a teri, "Hosikazi ya Dzonga yi ta pfuka ni rixaka leri, eminkarhini ya makumu, ni ku swi sola; hikuva u huma etindzhawini ta ndhuma ta misava, ku ta vona munhu loyi a nga na nyiko ya vutlharhi." A ku, "Lonkulu ku tlula Solomon u lahwani." Ha kunene. Solomon a ri tano, hi nkarhi wa yena, a ku ri yin'wana ya minkarhi ya kahle. Vanhu hinkwavo a va pfumela nyiko leyi leswaku Xikwembu xi va nyikile yona, Solomon loyi, kutani xidumo xa yena—yena xi yile etindzhawini hinkwato. Xana a ku ta humeleta yini hi hina vanhu va namuntlha . . .

¹³⁰ Kutani hi ma Amerika, hi le ku ringetenka ku kuma nongonoko minkarhi hinkwayo lowu wu lwisanaka na xikhomonisi. Hi *lowu* nongonoko wa Xikwembu, "Hundzukani! Hundzukelani eka Xikwembu!" Nongonoko wun'wana? Loko ntsena va nga endla Walowo, hi nga rivala hi xikhomonisi.

¹³¹ Loko Vaisrael hinkwavo va pfumerile leswaku nyiko yaleyo va nyike hi Xikwembu. Loko Amerika ntsena yi nga nyika . . .

va pfumela nyiko leyi Xikwembu xi nga hi nyika yona, eka masiku lawa yo hetelela, N'wana wa Xona, hi xivumbeko xa Moya lowo Kwetsima, la nga pfuka eku feni, la hanyaka exikarhini ka hina kuya hi xitshembhiso xa Yena. Loko ntsena hi nga swi rhandza Sweswo!

¹³² Wu taya eka Vahlawuriwa ntsena. "Hikwalaho a ku na munhu loyi a nga taka eka Mina handle ka loko Tatana wa Mina a N'wi tshuneta. Kutani hinkwavo lava Tatana a nga Ndzi nyika vona, va tata." Ntsena i ku byariwa ka mbewu; ya wa, yin'wana hi ndlela *leyi* kutani yin'wana hi ndlela *liyani*, kambe ku na mbewu leyi byariwaka, hi mukhuva wun'wana. Yi ta khoma timintsu ta yona laha yi nga tava yi ri kona. Yi ta ti khoma.

¹³³ Xiyisisani, hi leswi a va ri xiswona, kutani hi kuma leswaku hi minkarhi yaleyo, Akab, tiko ri endlile Vaisrael leswaku va kumeka va endla swilo swa muxaka wun'wana leswi a va swilava leswaku va swi endla, kutani hambi swi ri tano a va ha tivula Vaisraele.

¹³⁴ Hi laha Eliya a nga sola ha kona rixaka lero, ni hinkwaswo leswi a swi ri eka yena, kutani Xikwembu xi n'wi tiyisisile. Kutani a ri muprofeta.

¹³⁵ Ntsena loko a nga si ta, u swi endlile Yohana! U yile eIsrael... A vuta wansati loyi eka—eka Hero—...eka Heroda, nsati wa makwerhu wa yena Filipi. A ya exikandzeni xa yena; a nga kalanga ava na nkarhi. A nga chavi leswaku va presbyter van'wana a va ta n'wi hlongola. A nga kalanga a rhwala khadi ra xinakulobye; ntsena a ri na Xikwembu. A ri muprofeta wa Xona. Rito a ri ri na yena. A nga kalanga a ya vutisa bishopo kumbe madiyakoni. A totiwile. A ri na Rito. U yile emahlweni ka yena, kutani a fika a ku, "A swi le nawini leswaku u nga tshama na yena!" Hi swona. A nga vanga na nkarhi, eka munhu.

Vavasati va vona lavo biha va endla vuoswi, va ya emahlweni!

¹³⁶ Kufana na Amos, loko a ta eka xivono, u langutile lahaya. A hi ku tiva ni lomu a humaka kona. Mina, hilaha a nga ri languta ha kona doroba lero ra Samariya! Kufana ni leswi endliweke hi vampfhumba, hinkwaswo a swi sasekile, kutani ni vachumayeli a va ri ni ku twanana kun'we na—na matiko, ni ku hlanganyela na matiko na un'wana na un'wana, kutani a va tama va ha hanya evudyohweni! Mahlo ya yena ma vuyelana kun'we, mpandlhwa wa yena a wu vangama, kutani hambi swi ri tano a ta. A nga swi endlaka... a nga kalanga a swi languta ngopfu, kambe a ri ni LESWI HOSI YI SWI VULAKA.

¹³⁷ Hi lava Amos eka xivono namuntlha. Xana hi nga n'wi amukela xana? Hakunene a hi nga ta n'wi amukela, eka leswi a swi endlake. A nga ha ta eka xivono, a ta handzula

mavandla hinkwawo, dinominexini yin'wana na yin'wana, wansati un'wana na un'wana loyi a ambalaka swo koma, Yezabele un'wana na un'wana loyi a bobaka misisi. A ta va handzula va va swiphemu-phemu. A va ta n'wi raha a suka exitarateni, va tlhela va ku, "Xikhalabyana lexi sorisaka!" Kambe a ri ni LESWI HOSI YI SWI VULAKA, ntsena a swi tsariwe hi ndlela yaleyo. Xana tikereke ta mavito a ti n'wi amukela xana? Ee.

¹³⁸ A nga ri ni loyi a seketela nongonoko wa yena. Xana rona leri lerikulu, doroba ra kahle ra—ra ku navela loko biha, tani hi laha Samariya a ri ri xiswona, xana a va ta n'wi amukela nakulorhi loyi lontsongo la nga tivekiki a ngari na khadi ra xinakulobye, ku hava loyi a ta n'wi seketela, kumbe swin'wana xana? A nga ri na yunakulobya byo n'wi seketela. A nga kalanga a va na khadi ra xinakulobye, a ku nga ri na xikolo lexi a huma eka xona. Kambe a ri ni LESWI HOSI YI SWI VULAKA. Kutani eku teni ka yena, tani hi muprofeta, a ri xikombiso. Rito ra yena a ri huma eka Xikwembu, kutani u tiviwile eminkarhini ya Yeroboam wa Vumbirhi. Hinkwaswo leswi a swivula a swi humelela.

¹³⁹ Sweswi hi kuma leswaku, eka siku leri hi hanyaka eka rona, kova ku vuyeleta ka sweswo nakambe. Vafundhisi na vanhu, va nyuma ku yima ephulphitini, kutani e—e Evhangeli yi hundzuka thikithi ra swakudya eka vona. Va chava ku vulavula xin'wana na xin'wana, hikuva un'wana u ta va hlongola eka *lowu, lowuya* kumbe *wun'wana*.

¹⁴⁰ Kova Munhu un'we ntsena loyi a nga ta mi hlongola eTilweni, yaloye i Xikwembu. Nakona mi ya hlongoriwa njhani eTilweni, mi ri karhi mi tshama na Rito ra Xona xana? Sweswo hi swona Xi mi rhumeleke swona.

¹⁴¹ Tsundzukani, Bibele yi teri, hi minkarhi yaleyo tani hi laha swi ta fana ni minkarhi ya Eliya, hi siku ro kotisa leri a ri ri kona hi masiku ya Yohana, leswaku Malakiya 4 yi ta vuyela nakambe emisaveni. "Ndzi ta rhumela Eliya."

¹⁴² Sweswi mi nga swi hlanganisi sweswo na Malakiya 3, "Ndzi ta rhumela murhumuwa wa Mina emahlweni ka Mina." Yaloye a ri Eliya, na yena.

¹⁴³ Kambe eka Malakiya 4, Xi teri, "Ku nga se fika Siku leri chavisaka ra Hosi, laha misava hinkwayo yi nga ta tshwa ku kotisa ndzilo wa xitiko, kutani lavo lulama va ta famba ehenhla ka nkuma wa va tiarisi," kwalaho hi le ka Miliniyamu, "Ndzi ta mi rhumela muprofeta Eliya." Xana u ta endla yini? "U ta tlherisela ripfumelo ra vana eka vatatana va vaapostola," ku tlhelela eRitweni. U ta fanela kuva muprofeta. "Ndzi ta n'wi rhumela." U ta tiviwa hi ku hetiseka. Ntumbuluko wa yena wu ta fana ni wa Eliya lowu a wu ri hakona, hakunene. Hungu ra yena ri tava eka ntila

walowo. U ta sola, a mbundzumuxa. A ngevi na xinakulobye, a ngevi na ntirhisano, a ngevi na nchumu, kambe u tava a ri ni LESWI HOSI YI SWI VULAKA.

¹⁴⁴ Sweswi, tsundzukani, ku na mintlawa ya tinxaka hinkwato ley i yi yimaka yi ku, “Hi *leyi* nguvu ya Eliya, kutani hi *leyi* dyondzo ya Eliya.” Ntlawa hinkwawo, vandla, va hundzuukele eka ntlawa wa Eliya, kumbe eka nguvu ya Eliya. Sweswo a hi Matsalwa. Xikwembu a xi kalanga xi tirhana na ntlawa wo fana na wolowo.

¹⁴⁵ Loko Eliya a ta eka xivono, na Yohana Mukhuvuri, ha vumbirhi bya vona va sorile mintlawa na vandla. A va kalanga va swi endla. U va sorile, hi ndlela ley i va swi endleke ha yona; Eliya na Yohana, ha vumbirhi. Ku ngari ntlawa kumbe dinominexini. Kambe havumbirhi, hi minkarhi ya vona havumbirhi, va sorile mintlawa na mavandla.

¹⁴⁶ Xana ku landzela yini? Xikombiso xa nkarhi wa makumu hakunene-nene xi ta heleketa ni Rito ra nkarhi wa makumu. Eliya u fanerile ku ta eka xivono, wanuna loyi a totiwile hi moyo wolowo; wanuna wa nhova, ni ku ya emahlweni, ni ku va murhandzi wa sweswo, kutani a ta eka xivono ku ta tiyisisiwa. Sweswi langutani leswi Matsalwa ya swivilaka sweswi, kutani mi ngaka mi nga xisiwi, wa vona, xikombiso xa nkarhi wa makumu na Rito ra nkarhi wa makumu.

¹⁴⁷ Xikwembu a xi kalanga xi tirhisana na ntlawa, kuhava laha swi nga kona eMatsalweni. Xi tirhisa munhu a ri un’we, hikuva munhu un’wana na un’wana u hambanile na van’wana. Munhu un’wana na un’wana, makhudzu ya hina ya hambanile, tinhopfu ta hina ti hambanile, swendlo swa hina swi hambanile. Xi kuma munhu un’we ntsena, Xi n’wi kuma a va eka ntwanano wun’we lowu hetisekeke ku fikela laha a vaka Rito lero.

¹⁴⁸ Xexo hi xona xivangelo xa kuva Paul, a teri, “Ehandle kaloko ndzi nga tlakusiwa ehenhleni ka Nhlavutelo hi ntalo, ndzi nyikiwile murhumiwa wa Sathani.” Wa vona? Matewu u swi tsarile, Luka u swi tsarile, Marka u swi tsarile, hinkwavo ka vona, kambe, ntsena a va landzelela Yesu kutani va tsala leswi A swivilaka. Kambe Paul a ri na nhlavutelo wa leswi Yena A ri xiswona, wa vona, sweswo i swilo leswi a—a swi voneke. Nhlavutelo wa Yena a wu ri lowukulu, U n’wi pfumelerile a tsala Bibele, kufana na Muxe wa Testamente ya Khale. Wanuna yaloye lonkulu, Paul, nhlavutelo walowo a ri na wona, a swi tiva leswaku Yesu wa Testamente Leyintshwa a ri Yehovha wa leya Khale. A ri na nhlavutelo wa Yona, lero a kota ni ku yi vekela eka Vaheveru, eka va...nakambe ni le—ni le ka Varhomma, ni le ka Vaefesa, ni—ni hinkwato. U—u tsarile mapapila lawa. Xiyisisani, endzhaku kaloko xikombiso xa Yena xi humelerile, swingaleswi u tsarile mapapila.

¹⁴⁹ Ntumbuluko lowu wa matelo wa fana. A wu ngavi ntlawa. Ku tava kuri munhu un'we. Xikwembu a xi kalanga xi tirhisana hi ndlela yin'wana handle ka munhu a ri yexe. Sweswi, Eliya a nga ri ntlawa, Yohana Mukhuvuri a nga ri ntlawa, a va ri ha un'we-un'we. Xikwembu, Malakiya 4, a yi ri, "Ndzi ta rhumela ntlawa." Yi te, "Ndzi ta rhumela Eliya!" Rito a ri nga ncinci.

¹⁵⁰ Sweswi, langutisani, xikombiso xa nkarhi wa makumu na Rito swi tata hi ntshamiseko wa Matsalwa tani hi laha swi tshembhisiweke ha kona.

¹⁵¹ Hi lava ku switiva leswaku xikombiso xa makumu xi tava xi ri xa njhani? Yesu u hi byerile, eka Matewu 24 na 25. U hi byerile, nakambe, eka Nhlavutelo, ku sukela eka ya vu6... kumbe ya vu1, mi pfula mi ya eka leyi, kunene, ndzimana ya vu10. Kutani wa ta eka ndzimana ya vu19, Miliniyamu yi vekiwile eku vuyeni ka Yena, a khandziyile hanci yo basa.

¹⁵² Xi ta fika, xikombiso xa nkarhi wa makumu. Sweswi yingiselani, hi ku pfala. Swi ta humelela ntsena hi ndlela leyi Matsalwa ya nga swi vurisa xiswona. Sweswi Xiyisisani Rito ra xikombiso.

¹⁵³ Sweswi, Yesu, eka Luka 17:30, u tshembhisile xikombiso xa nkarhi wa makumu. Xikombiso xo hetelela, a ku ri Xikwembu lexi xi ti vonakarisaka emirini wa ximunhu lowu wu nga ta avanyisa mianakanyo leyi a yi ri emiehlekeweni ya Sarah, etendeni leri a ri ri endzhaku ka yena. Sweswo hi leswi A nga swi vula. Xexo hi xona xikombiso lexi A xi tshembhiseke xa makumu. Ntse...U ri Xi ta endla yini xana? "Xi ta tiviwa emasikwini, emasikwini yo hetelela, loko N'wana wa munhu a ta paluxiwa." Ku paluxiwa! Loko N'wana wa munhu a ta paluxiwa, xexo xi tava xikombiso lexi A nga ta paluxiwa hi xona. Sweswi vonani loko Sweswo swi nga vuli swona sweswo. Kunene-nene swi vula swona.

¹⁵⁴ Sweswi mi nga ha ku, leswaku, "Ee, ku tava ku ri swin'wana. Ee, xi ta aka muako lowukulu, *leswi* leswikulu, kumbe *leswi*, kumbe huvo ya tikereke ta misava, kumbe swin'wana"? Oho, ee. Ee, sweswo swi le kule. Sweswo swi le ka tlhelo rin'wana. Swi lwisana ni leswi Xikwembu xi nga te swi endliwa, Xi ta swi endla.

¹⁵⁵ Xiyisisani leswi hi swivuleke sweswi. Matsalwa ya tava lama fanaka, hikuva hi na xikombiso xa Sodoma, entumbulukwini. Loko ku ri na kutekana hi rimbewu rin'we, ku encenyeta na swin'wana, tani hi laha swi nga kona sweswi, "rixaka ro biha leri nga hungikiwa," laha u tsandzekaka hambi kuri ku pfulela thelevhixini laha u kumaka kuri na swin'wana swo thyaka, swin'wana swa thyaka ra Hollywood? Kutani vanhu, va tivitana Vakreste, va tshama emakaya va nga yi eswikhongelweni va tshamela ku vona sweswo.

Swikombisa moyo lowu wu nga eka n'wina. Hi swona. Kutani vavasati va ambala kufana na valavayani, kutani vavanuna va ta va pfumelela va va rhangela tani hi laha va swi endlaka kwalahaya. Xana hi lava ku endla Hollywood leswaku yi va xikombiso xa hina, kumbe hi ta pfumela Rito ra Xikwembu ha swona xana?

¹⁵⁶ Kutani ntlawa walowo wu fanaka wu nga vona Rito ra Xikwembu ri tiyisisiwa, kutani va endla yini? Va swi hleka. Hikuva, va file, rifu leri nga Heriki. A va kalanga va hanya. Loko a va tshame va hanya, a va tava lava hanyaka hi minkarhi hinkwayo, hilaha ku nga Heriki. Kambe a va kalanga va hanya. A va file minkarhi hinkwayo. Oho, va nga ha tipholicha, kutani va pfumela *leswi, sweswo kumbe swin'wana*.

¹⁵⁷ Yesu u teri, “N’wina vakanganyisi,” eka vona, eka vona vaprista va nkarhi walowo. “Mi nga vula njhani swilo leswinene, loko leswi swi nga tala swi nga ehandle ka mbilu swi humesiwaka hi nomu? Mi Ndzi vitana wa kahle, ‘Rabi wa kahle, N’winyi wa kahle?’” A tiva leswi swi nga etimbilwini ta vona. A kota ku vona leswi swi nga etimbilwini ta vona. A ri Rito.

¹⁵⁸ Bibele yi teri, “Rito ra Xikwembu ri kariha kutlula tlharhi ra matlhelo mambirhi, niku avanyisa mianakanyo leyи yi nga embilwini.”

¹⁵⁹ Sweswi, xikombiso xexo xa Sodoma xi vuyile, entumbulukwini. Kutani loko hinkwaswo swi tshamile eswiyin’weni tani hi ndlela leyи a swi fanele kuva hi yona entumbulukwini, swingaleswi mi swi hangalasa njhani, emiehlekeweni ya n’wina, leswaku swa ximoya a swi kona lahawani hi nkarhi wun’we xana? Ha vumbirhi tshamiseko lowu wule ka xivono. Ina, un’wana na un’wana wa pfumela leswaku, ntumbuluku wu kahle; kambe, oho, eka ximoya, a va swilavi ku swi pfumela, hikuva Swi nghenelelana ni milawu ya vona ya tikereke.

¹⁶⁰ Luka 17 i xikombiso. Luka 17 i xikombiso lexi Yesu a xi vuleke, leswaku, enkarhini wa makumu, matiko na tikereke na vanhu ntsena swi ta fana ni leswi a swi ri xiswona eSodoma, misava ya Vamatiko, ntsena loko ku nga si hisiwa Sodoma. Kutani ku tava na ntlawa, wu languteke, kufana na Abraham. Tlhelelani endzhaku, loko Yesu a teri, “tani hi laha a swi ri hakona eminkarhini ya Sodoma,” tlhelelani endzhaku mi ya vona leswi a swi ri xiswona eSodoma. A hlaya Bibele yo fana ni leyи hi yi hlayaka, Bibele yin’we, sweswi tlhelelani endzhaku mi ya languta leswi a swi ri xiswona.

¹⁶¹ Hi lowu ntlawa lowu hlawuriweke, wu vitaniweke, ntlawa wa Abraham, a va langutele n’wana wa xitshembhiso. Masodoma a va nga pfumeri nchumu ha swona. Kutani kwalahaya a ku ri ni leyи a yi kufumela, swirho swa kereke leswi a swi ri eSodoma. Langutani Tintsumi leti tinharhu

yin'wana na yin'wana a yi ta eka va yona, hlalelani swikombiso leswi va swi kombiseke, kutani mi ta swi vona leswaku i swikombiso swa njhani leswi hi hanyaka eka swona.

¹⁶² Sweswi, xexo ku tava xikombiso. Kutani rito ra xikombiso kutava Malakiya 4, "ku tlherisela vanhu eka Ripfumelo ra xiapostola ra vatatana." Ku na xikombiso, ku na Rito, leri fanaka ku ya hi Matsalwa. Wa vona? Sayini a yi ri ya xikombiso lexi a xi ri eSodoma, Xikwembu xi tivonakarisile evanhwini.

Kutani Xi teri, "Xana u kwihi nsati wa wena, Sara?"

A ku, "U le tendeni, endzhaku ka Wena."

¹⁶³ Xi ku, "Ndzi ta ku endzeleni kuya hi nkarhi lowu Ndzi nga ku tshembhisa wona." Kutani Xi ku . . .

¹⁶⁴ Kutani Sarah, endzhaku, endzhaku ka Xona, a ku, "Swi nga endlekisa ku yini, mina ndzi ri mukhegula, na yena a ri mukhalabya xana? Kutani ku kotisa nuna wa mina lahaya, wa mukhalabya," a ku, "a kuna leswi fanaka na sweswo eka hina." A ku, "Ntsena swi ngaka swi nga endleki."

¹⁶⁵ Xi ku, "Hikokwalaho ka yini Sarah a swi kanakana sweswo, a swivula embilwini ya yena, 'Swi nga endlekisa ku yini swilo leswi?'"

¹⁶⁶ Kutani Yesu u vule leswaku swi ta tlhela swi vuya nakambe. Sweswi, tsundzukani, Abraham u thyile Munhu yaloye "Elohim," Xikwembu. Xikwembu lexi a Xi fanele ku va xiswona. Hikokwalaho ka yini? Xi kota ku vona mianakanyo, nakona a Xi ri hi nkarhi. Kutani Elohim, a nga Moya lowo Kwetsima, (ku ngari munhu un'wana) Munhu loyi a fanaka a vuyela ekerekeni kutani a endla swo fana, sweswo swi tava swi ri xikombiso. Kutani Rito ri tava leri nge, "Va vitani va vuyela eRitweni, tlherisela Ripfumelo ra vana ri tlhelela eka vatatana." Kwalahaya ku na xikombiso na Rito.

¹⁶⁷ Hi ntoloveloo swikombiso swa amukeriwa, kambe Rito ee. A va ri tsakeli Rito, kambe va teka xikombiso. Hi ntoloveloo, va xi teka. Va tsakela xikombiso, hikuva va tsakela ku xi langutisa, ni kuva va hungasiwa. Kambe, Rito, a va swilavi ku swi—swi endla. Sweswi tsundzukani Rito.

¹⁶⁸ Tlhelelani eRitweni nakambe. Xikombiso xa Yesu xa Mesiya, ku ya hi Esaya 35, "Xilema xi ta tlulatlula ku fana na ndakazi," ni hinkwaswo leswi.

¹⁶⁹ "Sweswo swi sasekile!" Oho, va swi amukerile sweswo. Sweswo a swi ri kahle. A va swi pfumela sweswo. A va pfumela xikombiso. "Tana, Rabi, eka kereke ya mina, hi ta tirhisana na wena kahle. Hakunene, ha Ku pfumela. U kahle swinene. U Rabi. U Muprofeta lontsongo. Ngħena! Ntirhisano hinkwawo wa muxaka wihi kumbe wihi! Xikombiso xi kahle swinene."

¹⁷⁰ Kambe loko Rito ri vulavurile, kutani ri teri, "Mina na Tatana wa Mina hi Un'we."

¹⁷¹ Oho, mina, a va swi pfumelanga Sweswo. “U tiendla Xikwembu wena hi wexe.” A va nga ri lavi Rito. A va tsakela xikombiso. A va tiva leswaku, va pfumerile leswaku a ku ri xikombiso xa Mesiya, kambe, Rito, a va nga ri lavi Lero.

“Mintirho leyi Ndzi yi endlaka mi ta yi endla na n’wina.”

Kutani va teri, “Hi Yena Beelzebub.”

A ku, “N’wina rixaka ra tinyoka.”

¹⁷² Oho, va ri vengile Rito lero. Xana va endlile yini? Va humesile Rito lero exikarhi ka vona. Va N’wi hlongorile.

¹⁷³ Yesu u teri, “Loko va vitana N’winyi wa yindlu, ‘Beelzebub,’ xana swi tava njhani loko va ta vitana vadyondzisiwa va Yena?”

¹⁷⁴ Tsundzukani, eka Nhlavutelo 3, eka Nguva ya Laodekiya. Leyi i Laodekiya; xikombiso xa Sodoma xa ta. Rito ri ri, “Tlhelelani endzhaku eRitweni, mi va ekule na mikhuva leyi na tidinominexini, kutani mi vuyela endzhaku eRitweni,” loko Ri ta, kuya hi Nhlavutelo 3, U hlongoriwile ekerekeni, ntsena ku fana ni leswi a swi ri xiswona.

¹⁷⁵ “Xikombiso xi kahle, kambe ku nga ri Rito.” A va lavi ku endla nchumu ha Rito. Ee, ee; hi Rito. Kambe Muxe u teri, loko va nga pfumeli, kumbe...

¹⁷⁶ Xikwembu xi teri eka Muxe, “Loko va nga pfumeli rito ra xikombiso lexo rhanga, va ringete hi rito ra vumbirhi. Kutani loko va nga ri pfumeli, famba u ya ka mati u ma chela ehansi.” Sweswo swa swi tshamisekisa. Swi helerile. “Nhlantswa, ritshuri e—e ritshuri emikondzweni ya wena,” hi marito man’wana, tani hi laha Yesu a swi vuleke. Xi ku, “Kana mati enambyeni, u ma chela ehansi, ma ta hundzuka ngati, kutani u kombisa leswaku hi leswi ri nga ta tsakamisa xi swona, hi ngati.” Kutani sweswo hi swona hakunene swi nga xiswona.

¹⁷⁷ Loko va nga pfumeli xikombiso, kutani hakunene xikombiso xa vunharhu xi na swona. Tiministri hinkwato ti na swikombiso swinharhu, loko swi huma eka Xikwembu. Yesu a ri ni swikombiso swinharhu. Muxe a ri ni swikombiso swinharhu. Nowa a ri ni swikombiso swinharhu. Eliya a ri ni swikombiso swinharhu. Hinkwaswo swi ta hi swikombiso swinharhu. Xiyisisani. Yingisani, vanghana.

¹⁷⁸ Nkarhi wu fambile. A ndzi... Oho, mina, a ndzi nga swi tivi leswaku hi le ku hlweleni, hi kotara.

¹⁷⁹ Loko mi nga pfumela xikombiso xa Sodoma, eka Luka, wa vona, tani hi laha A switshembhiseke; ma xi pfumela xikombiso xa Sodoma, swingaleswi hikokwalaho ka yini mi nga amukeli Rito ra Malakiya leri ri landzelaka xikombiso, ku “tlhelela eRitweni”? [Xivati lexi nga riki na nchumu eka thepi—Muhleri.] Bibebe yi vula tano, kutani xana ma swi vona, kutani yingiselani Rito ra xikombiso.

¹⁸⁰ Balekelani vukarhi lebyi taka! Mi nga ehleketi leswaku, "Hikuva ndzi nghena UPC, Assemblies of God, Methodist, Baptist, Presbyterian, ndzi na nfanelo yo nghena kona." Xikwembu xa swikota hi maribye lawa ku pfuxa vana va ya eka Abraham. Tlhelelani eRitweni! Sukelani swilo swa n'wina swa mafambiselo ya misava na mafambiselo ya mavandla ya n'wina, na swilo. Xikwembu xi tava herisa exikandzeni xa misava. Xi tava nwelerisa eswidziveni swa lwandle ra ku rivala, tani hi laha Xi swi endleleke Egupta loko Xi humesa Israel, rixaka eka rixaka rin'wana. Loko Xi vitana Mutekiwa a huma eka kereke, kereke yi taya emahlomulweni, u ta tsakamisa misava hi ngati ya yena. Balekelani vukarhi lebyi taka, hikuva byi fikile!

¹⁸¹ A mi nga swi voni swilo leswi loko mi ngari... A ndzi switivi leswaku mi ehleketa yini ha swona. Ntsena ndzi na vutihlamuleri hi ku hlaya ni ku vulavula ha swona. Swi le ka n'wina! Mi nga ha xi pfumela xikombiso, kutani mi pfumela na Rito leri landzelaka xikombiso. Oho, mina!

¹⁸² Langutani, Muxe, xifananiso xa ku huma sweswi. A fanele ku byela vanhu lava hi xitsembhiso lexi xi nga nyikiwa vatatana. "Ndzi tsundzuuke xitsembhiso xa Mina eka vatatana wa vona." Kutani sweswi Muxe a—a fanele ku endla yini? Ku tlherisela timbilu ta vanhu endzhaku eka leswi vatatana va nga swivula. Kutani tani hi laha Muxe a ri ha kona, swingaleswi swi tano nale ka Malakiya 4, "ku tlherisela vanhu eka Ripfumelo ra vatatana."

¹⁸³ Hinkwaro ripfalo leri ra tidinominexini, ni ku ya emahlweni, tlhelelani eRitweni! Ndza mi tiva, vanhu votala va tsakela ku endla sweswo; a ndzo mi holovela ntsena lahwani. Tithepi leti ti ya famba misava hinkwayo, wa vona, hinkwako. A ndzi holovel i n'wina, kambe ndzi holovela un'wana na un'wana, laha yi nga taya kona. Ndzi muhaxi wa Mbewu. Sweswo hi swona ndzi swi tivaka ku swi endla. Swi le ka n'wina ku teka xiboho. Balekelani vukarhi lebyi byi taka, vanhu!

¹⁸⁴ Mi nga ehleketi hikuva mi ri Mapentekosta. Mi nga ehleketi hikuva mhani wa n'wina a ri wa, Methodist leyi kwetsimisiweke, kumbe papa wena u kahle, muhuweleri wa Baptist. Mi nga ehleketa leswaku sweswo swi na leswi swi nga swi endlaka ha n'wina. Mi nga ehleketi leswaku hikuva mi wela eka kereke leyi va yi akeke, kumbe kereke leyi mi nga eku yi akeni sweswi. Mi nga ehleketa hikuva mi ri Mapentekosta mi vulavurile hi tindzimi mi tlhela mi cina mi ri eMoyeni, ni kuva mitsutsumatsutsumile hala na hala kwala hansi, malembe ya makume mune lawa ya nga hundza. Mi nga ehleketi leswaku hikuva mi vile na xikhongelo xo hanyisa vavabyi, na kuya emahlweni.

¹⁸⁵ Mi nga tsandzeki ku vona xikombiso xexo, xa Langavi ra Ndzilo, lexi Xikwembu xi nga xi tiyisisa; na Rito endzhaku ka Xona, ku tlhelela eka xona, ku tlhelela eka Xikwembu. Mi nga Xi tshiki xi mi hundza. Ku na xikombiso na Rito.

¹⁸⁶ Loko munhu a pfuxiwa na xikombiso, xikolo xexiya xa mianakanyo, ku na swin'wana leswi swi nga hoxeka, a swi humi eka Xikwembu. Oho, mina! "Xi lulamisa ndlela ya Xona leswaku yi ku thwi sweswi!" Sweswi, ma swi pfumela xana? "Swingaleswi tlhelelani, O n'wina mabofu ni lava hangalakeke, eka n'wina." Bibebe... Mutsari wa risimu u teri:

Matiko ya fayeboleka, Israel ri le ku pfukeni,
Swikombiso leswi Bibebe yi nga swi vula;
Masiku ya Vamatiko ya pimiwile, ku hatlisela
ku wisa;
"Tlhelelani, O ku hangalaka, eka n'wina."

¹⁸⁷ Vuyelani endzhaku! Tlhelelani endzhaku! Muprofeta u teri, "Ku tava na ku Vonakala hi nkarhi wa na madyambu." Loko ntsena N'wana a nga si lahlekeriwela hi miehleketo, ku tava na ku Vonakala. Fambani eKuvonakaleni loko kuri na ku Vonakala. Ku ngari khale Ecumenical Council yi tava na n'wina, kutani a ku nge hevi na ku Vonakala kwalaho.

A hi korhamiseni tinhloko ta hina.

¹⁸⁸ Tatana wa le Matilweni, swi le mavokweni ya Wena sweswi. Ndzi—ndzi byarile Mbewu. A ndzi tivi laha Ti weleke kona. Ndza khongela leswaku U ta Ti katekisa kun'wana na kun'wana laha Ti nga kumekaka kona. Leswaku Ti nga ha kuma ndhawu ya Tona ehansi, kutani ti dzhima timintsu etindzhawini ta maribye, na hinkwato timintsu ta rihlaza, kutani hilaha a tiri ha kona, kutani tikuma hinkwavo lava nga pfumeriki va sukile endleleni. Hi nyike swona, Tatana. Sweswi ha tiboha ku swi tisa eka Wena leswi, hi Vito ra Yesu Kreste. Amen.

¹⁸⁹ Ma ha korhamisile tinhloko ta n'wina, mi pfarile mahlo ya n'wina. Mundzuku ni vusiku i siku ra swakudya. Vadyohi vale dorobeni, ndzi ta... hi ku rhandza ka Hosi, ndzi ta fanela ku vulavula na vona. Ndzi vulavula na nhlengeletano leyi katsaneke sweswi. Ku tava ku ngari ku tiyimisela ku chumayela ha leswi; ntsena swi tava endla va va lava pfalekeke mahlo ku tlula hi laha a va ri hakona, eka nhlengeletano yo kitisa yaley.

¹⁹⁰ Kambe, n'wina, madyambu lawa, ma pfumela leswaku mi vonile xikombiso xana, kutani ma ri twa Rito, loko mi ri twa ma ri pfumela xana? Kutani n'wina—n'wina lava nga ri twangiki, ma pfumela kambe a mi se Ri amukela, Kreste hi ku hetiseka ka Yena, xana mi nga yimisa mavoko ya n'wina? Kutani mi pfumelela nhloko yin'wana na yin'wana sweswi, kutani tihlo rin'wana na rin'wana ri va ri pfariwile. Yimisani mavoko ya n'wina, mi ku, "Ndzi tsundzuki, Makwerhu Branham, loko wa ha khongela." Ndzi ta tsakela ku swi endla. Xikwembu a xi mi katekisi.

¹⁹¹ Tatana wa hina wa le Matilweni, Bibebe yi teri, "Kukotisa loko lavotala va pfumerile va khuvuriwile." Ndza khongela,

Hosi, leswaku vanhu lava yimiseke mavoko ya vona, leswaku va pfumela eka swona. A va khuvuriwanga hi nkhuvulo wa Xikreste, i ngaku va nga kuma kereke leyi yi swi endlaka, kutani va khuvuriwa. Hi nyike swona, Hosi.

¹⁹² Leswaku va nga khuvuriwi hi mati ntsena, laha ku nga—ku nga xikombiso xa le handle xa leswaku swin'wana endzeni swi endlakile. Bibebe yi teri, "Ku na Ripfumelo rin'we, Hosi yin'we, nkhuvulo wun'we," kutani nkhuvulo walowo i nkhuvulo wa ximoya. Kuva miri wu va wu hlantsiwile, kova xifaniso ntsena, kumbe ku nyika xikombiso xa leswaku swin'wana endzeni swi endlakile. Kambe i munhu yaloye wa le ndzeni loyi a faneriwaka hi ku khuvuriwa hi Moya lowo Kwetsima, sweswo i ku ta loku nga Heriki eka ntumbuluko wa lowo wa ximunhu ku fika ku wu ncinka, ku wu endla mupfumeri. Ndza khongela leswaku va ta amukela Moya lowo Kwetsima. Ndzi va lerisa eka Wena sweswi, tani hi swidlodlo swa Hungu, ni swa tintswalo ta Kreste. Hi Vito ra Yena, ndza khongela. Amen.

Sweswi ma ha korhamisile tinhloko ta n'wina, hi ku xixima.

¹⁹³ Ntsena ndzi na nkombo wa timinetse, a ndzi—ndzi nge swi koti ku huma hi nkarhi. A ndzi—ndzi—ndzi nge swikoti ku va na layini ya xikhongelo hi nkarhi wolowo wo tala. Ndzi ta mi kombela ku tshama laha mi nga kona. Ndzi khomeleni ku mi hlwerisa. Hi ta khongelela un'wana na un'wana. N'wina vanhu, van'wana va n'wina lahwani lava mi nga na makhadi ya xikhongelo, mi nga vileli, hi ta mi fikelela.

¹⁹⁴ Kambe ntsena hi ya eku voneni loko Moya lowo Kwetsima wu ta hi hlavutela sweswi, loko mi pfumela eka Yena kutani mi pfumela leswaku lexi i xikombiso. Tsundzukani, Ntsumi, A ri munhu; A dya, U nwile emahlweni ka Abraham, hambi swi ri tano A nga ha swi endla, kutani Sara etendeni, U tivile ku anakanya loko a kuri embilwini ya yena. Xexo a kuri xikombiso. A ri Rito. Sweswi loko ntsena Rito ri nga ta eka hina, swingaleswi, nakambe, U tshembhisile ku endla swo fana.

¹⁹⁵ Sweswi n'wina kwalaho eka vayingiseri, lava va pfumalaka makhadi ya xikhongelo, kutani ma swi tiva leswaku a mi nga vi elayinini, a ndzi nge switivi leswi swi nga eka n'wina handle kaloko Hosi yi nga swikombisa eka mina. Ndzi ta... Kutani ma pfumela leswaku hakunene Xikwembu xa hanyisa vavabyi. Ndzi—ndzi mi lava mi—mi pfumela sweswi, eka xinkadyana nyana. Kutani ntsena khongelani, kutani mi ku, "Hosi Yesu, ndza n'wi tiva wanuna loyi, a vulavulaka, i—i munhu, kambe u ndzi byerile sweswo, u hi byerile madyambu lawa, ni ku hi khorwisa swona; leswaku, Moya lowo Kwetsima, lowu misava yi nga ta ka yinga wu dlayi."

¹⁹⁶ Va nga ha kota ku dlaya Yesu loko A ha ri enyameni; va N'wi dlayile. Kambe sweswi U pfukile, exiyin'weni lexi kwetsimaka, A ngaka a nga ha dlayi nakambe. Kutani U

teri, "Kungari kungani misava a yi nga ha Ndzi voni. Kambe, n'wina," vahlawuriwa, n'wina mi xiximeriweke eVuton'wini lebyi nga Heriki, mi nga Kereke, Mutekiwa, "mi ta Ndzi vona, hikuva Ndzi tava na n'wina, hambi kuva ka n'wina, ku ya eku hetisekeni ka vukati. Swilo leswi Ndzi swi endlaka mi ta swi endla na n'wina." Hinkwaswo switshembhiso leswi A swi endleke.

¹⁹⁷ Sweswi, ndza swi tiva loko A ha ri lahawani emisaveni, Yena, Xikwembu a xi ri eka Yena. A ri Xikwembu. A ri ku hetiseka ka Xikwembu. A ri Rito hinkwaro ra Xikwembu leri nga vonakarisiwa.

¹⁹⁸ Kutani Bibebe ya ha ri Xikwembu, Rito, kutani ka hari na nhlavutelo wun'wana lowu wu faneleke ku paluxiwa. Kutani U teri, "Emasikwini ya makumu, loko misava yi ta fana na Sodoma nakambe, N'wana wa munhu u ta hlavuteriwa." Kutani xikombiso xa Sodoma xi ta vuya, kutani Rito ri ta vitana vanhu, vona lava nga xiximeriwele eVuton'wini.

¹⁹⁹ Ha swi tiva, loko A ha ri lahawani, a kuri ni mamiliyonu ya vanhu emisaveni, lava nga kalangiki va swi tiva leswaku A ri kona; a ku nga ri ni xivangelo xa ku swi tiva. Wa vona? U tile eka lava a va hlawuleriwile ku swi vona.

²⁰⁰ Sweswi khongelani. Miyelani hi ntiiyiso sweswi. Mi nga famba-fambi. Hinkwako laha mi nga kona, eka tibalkhoni, e hansi, hambi mi le kwihi, mi nga—mi nga famba-fambi, ntsena tshamisekani, kutani mi khongela.

²⁰¹ Mi ku, "Hosi Yesu, Bibebe yi teri, eka Vaheveru 4, leswaku Wena 'u Muprista Lonkulu loyi a nga khumbhiwa hi vutitwi bya vulema bya hina.' Kutani ha Ku vona emisaveni, loko Wa ha ri lahawani emisaveni, wansati lontsongo nkarhi wun'wana u khumbhile nguvu ya Yena, kutani U hundzulukile, u ku, 'Xana i mani a Ndzi khumbheke?'" U ti tumbetile, kambe hambi swirlitano ripfumelo ra yena ri n'wi tivisile. Yesu u n'wi byerile hi timhaka ta ngati ya yena, kutani u ku eka yena "ripfumelo ri ku ponisile." Sweswi Wa ha ri Muprista yaloye Lonkulu. Loko A ri loyi a nga tolo, namuntlha, ni hilaha ku nga heriki, U ta fanele ku va na maendlelo ya n'we, loko mi—loko mi nga N'wi khumbha.

²⁰² Xana sweswo swi endla yini? Ku fanele kuva na nyama ya ximunhu, emisaveni, ku vulavula Rito ra Yena. "Hi Mina vhinyo, n'wina mi marhavi." Ku hava ndlela yin'wana yo swi fikelela, vanghana. Swo va Matsalwa. Swi Ntiyiso. Xana n'wina vafundhisi ma swi pfumela sweswo, kwalaho endzhaku xana? [Vafundhisi va ku, "Amen."—Muhleri.]

²⁰³ Sweswi lahaya, ntsena vanani na ku xixima ka ntiiyiso kutani mi khongela, mi ku, "Hosi Yesu, ndzi pfumeleli ndzi khumbha nguvu ya Wena."

²⁰⁴ Kutani ma n'wi vona loyi a nga ekusuhi swinene na mina, i tifiti ta makume mbirhi kumbe kutlula. A ndzi wu tivi moya lowu wu nga lahay. A ndzi swi koti hambi kuri ku vona loyi ndzi n'wi tivaka, madyamu lawa, eka lava va nga tshama lahay; handle ka Pat Tyler loyi a tshameke lahawani emahlweni, munghana wa mina. Ku ni vanhu eswibedwanini, eka xiterechara.

²⁰⁵ Hi vonile xibokisana xa xiterechara xi pfuriwile vusiku lebyi nga hundza, kutani wanuna u pfukile a yima a ti fambela. Xana hikokwalaho ka yini mi nga swi endli n'wina hinkwerhu, madyambu lawa xana? Wa vona, ntsena pfumelani, sweswo hi leswi mi fanelaka ku swi endla. Vukona bya Yena byi ta swi endla. Hi Loysi lahawani, mi ta fanela ku tiseketela hi Yena leswaku a mi pfuxa emasikwini ya makumu.

²⁰⁶ Sweswi, n'wina lava mi pfumelaka, ni ku ehleketa leswaku mi le ku khongeleni, ntsena langutani hi ndlela leyi sweswi.

²⁰⁷ Tani hi laha Petro na Yohana va nge teri, "Hi languti." Kutani a languta hi malangutelo lamanene, wanuna u swi endlile, a languterile ku vona swin'wana. A ku, "Silivhere na nsuku ndzi hava, kambe leswi ndzi nga na swona . . ."

²⁰⁸ Sweswi, ku hanyisa a ndzi na kona, kambe leswi ndzi nga na swona, nyiko yo huma eka Xikwembu, ndzi mi nyika yona. Ntsena loko mi nga yi pfumela, Xikwembu xi ta yi tirhisa. Ntsena ndzi mi kombela leswaku mi yi pfumelela. Leswi ndzi nga na swona, ndzi mi nyika swona. Loko mi nga swi pfumela, Xikwembu xi ta tirha ha yona. Ntsena yi ringeten.

²⁰⁹ Lahawani, Wu kona lahawani sweswi. Amen. Ndzi tsakela sweswo. Ku ni manana loyi a nga tshama lahawani. U languteka a ri xidudla, u tshamile lahawani emakumu. Xana u na khadi ra xikhongelo, manana? Wa xidudla nyana . . . A wu na . . . Kona lahawani, a wu na rona khadi ra xikhongelo? Ina. A wu na khadi ra xikhongelo xana? Wa pfumela, hi mukhuva wun'wana? A wu kali u lava khadi ra xikhongelo, loko u pfumela.

²¹⁰ Ku na ku vitana ka xihatla eritweni, hi xona xivangelo xa kuva swi nonohwa ku vitana vanhu vo fana na lava, kambe ringetani ku ndzi yingisela swinene hilaha mi nga kotaka hakona.

²¹¹ A ndzi ku tivi. A wu na khadi ra xikhongelo, swingaleswi a wu nga fanelanga ku va eka platifomo. Loko Xikwembu xi nga ndzi paluxela leswi swi ku karhataka, u ta swi pfumela (yini?) loko swi nga fana ni leswi A swi paluxeleke leswi a swi karhata wansati? Wansati loyi a ri exihlobyen? Sarah, leswi a swi vuleke, ni ku ya emahlweni? Xana wa swi pfumela sweswo xana? Wa pfumela leswaku hinkwaswo swi tava kahle xana?

²¹² U karhatiwa hi xiyimo xa ngati, swin'wana swi hoxekele hi ngati ya wena. Loko sweswo swi ri swona, yimisa voko ra wena. Hi swona. A wa ha ri na swona sweswi. Swi hundzuluxele Rivoni eka wena. Yesu Kreste i ku xiximile.

²¹³ Sweswi, a ndzi se tshama ndzi vona wansati, evuton'wini bya mina. Xana sweswi i yini sweswo xana? Swi fanele swi ri Moya. Sweswi mi nga ha vula tani hi Vafarisi, "Leswaku sweswo i javulosi," kunene, mi kuma hakelo ya vona. Loko mi ku, "I Kreste," mi kuma hakelo ya Kreste. Ndzi pfumela leswaku i Rito leri tivisiweke emasikwini lawa ya makumu; ku nga ri mina.

²¹⁴ Lahawani, hi loyi manana lontsongo a nga tshama lahawani ehansi. U xaniseka hi ku vaviseka ka minsiba a milengeni ya yena. U na leswi swi nga twisisekiki. U karhatiwa hi vuvabyi bya mbilu. U le ku khongeeleni ka loyi a n'wi rhandzaka, yaloye i makwerhu wa yena wa xinuna. U le ku rileni sweswi. U le ku tihlanganiseni. Makwerhu yaloye u le ka xiyimo xo tika swinene. I vuvabyi bya chukele. Kutani, nakona, u na ndzhuti wun'wana, i mudyohi. Kutani u le ku n'wi khongeeleni. Hi swona sweswo. Manana Welton, loko u nga pfumela hi mbilu ya wena hinkwayo, Xikwembu xi ta n'wi hanyisa. Xana wa swi pfumela xana? Rero i vito ra wena.

²¹⁵ Sweswi sweswo swi tlula leswi Yesu a swi vuleke eka Simon, "Vito ra wena i Simon, u n'wana wa Yonasi"? Ntsena vana na ripfumelo. U nga kanakani. Pfumela hi mbilu ya wena hinkwayo. Loko u swi pfumela, Xikwembu xi ta endla swi humelela. Ntsena loko u nga...

²¹⁶ Lahawani, hi loyi manana lontsongo loyi a tshameke lahawani, u ndzi langutile lahawani. U na misisi ya muxaka wo tshwuka nyana. Misisi ya yena yi kameriwe endzhaku.

²¹⁷ Xana a wu ri voni Rivoni lero, ra muxaka wa emba, ri endlaka xirhendzevutana ehenhla ka wansati xana? Wa switiva leswaku swi le ku humeleleni sweswi, hikuva wa Ri twa. Ri le kusuhi na yena, a nge pfuni eka ku Ri twa. Loko sweswo swi ri swona, manana, yimisa voko ra wena. Lahaya a nga kona.

²¹⁸ Sweswi ndzi muluveri eka wena. A ndzi tivi nchumu ha wena. Kambe a wu tshamile lahaya u ri eku khongeleni. Hi swona. Loko sweswo swi ri swona, fambisa voko ra wena hi ndlela *leyi*. Sweswi, loko Yesu Kreste a ri N'wana wa Xikwembu, loyi a nga Yena, Muprista Lonkulu loyi a tshameke evokweni ra xinene ra Xikwembu... Kutani ntsena ndzi yimile lahawani hi nyiko, hi vumina-... ehandle ka, ntsena ehandle ka ku anakanya ka ximunhu, ku nga ri ku tiehleketelela hi ndzexe; kule ni ku wisisa miehleketo ya mina ni ku ehleketa ka mina, kutani ntsena ndzi pfumelela Xikwembu xi nghena. Xana wa pfumela leswaku Xi... Mina, Xikwembu xa ku tiva mina a ndzi ku tivi; nakona u tiva swo fana. Swingaleswi loko Xikwembu xi ta ndzi paluxela maxangu ya wena, kumbe swin'wana leswi u swi rindzeleke, u swi lavaka, kumbe swin'wana, wa pfumela leswaku Xikwembu xi ta swi endla, xi nga swi endla sweswo xana?

²¹⁹ U niku xaniseka enhlaneni wa wena. Sweswo hi swin'wana swa leswi u swi khongelelaka. Nakona u karhatiwa hi mahlo. Xana wa pfumela leswaku Xikwembu xi ta mahanyisa niku ma endla ma va kahle xana? Wa pfumela xana? Wa pfumela xana? Xana wa pfumela leswaku Xikwembu xi nga ndzi byela leswaku u mani xana? Manana Hallman, xana wa pfumela hi mbilu ya wena hinkwayo sweswi, u ta kuma leswi u swi kombeleke. Wa pfumela xana?

²²⁰ Lahawani ku na mukhegula a tshameke ekulenyana endzhaku ka yena lahaya. U le ku khongeleni, na yena. U na vuvabyi bya chukele. Ndzi pfumela leswaku swi nga n'wi hundzi leswi. Swi le ka yena. U ti komba a kurile. Yimani nyana, ingaku Hosi yi nga ndzi pfuna sweswi. Yena... Lahaya u xi khomile, hi swona, sweswi, wa vona, loko a ri eku tihlanganiseni. A nga humi kona lahawani. U huma eLouisiana. Doroba ra yena—yena i ndhawu leyi vuriwaka Singer, Louisiana. Kutani u karhatiwa hi vuvabyi bya chukele. Vito ra yena i Manana Doyle. Loko sweswo swi ri swona, yimisa voko ra wena. Hi swona. Ndzi muluveri hi ku hetiseka eka yena, a ndzi se tshama ndzi n'wi vona evuton'wini bya mina. Kambe Yesu Kreste, N'wana wa Xikwembu, u tiva hinkwaswo ha wena.

²²¹ Ku na manana loyi a tshameke lahaya endzhaku, u huma edorobeni leri fanaka, endzhawini leyi vitaniwaka Singer. U le ku xanisekeni hi ku tlakuka ka tshirelelo wa ngati. Kutani vito ra yena i Clark. Wa pfumela, Manana Clark? Hi swona, u tava ni leswi u swi kombeleke.

Xana ma pfumela? [Nhlengeletano yi ku, "Amen."—Muhleri.]

²²² Ku na xikombiso! Yingisan Rito! Hundzukani, tlhelelani eka Xikwembu hi ku hatlisa hilaha mi nga kotaka hakona! Yesu Kreste u lahawani hi Matimba ya ku pfuka ka Yena; rixaka ro biha ra vuoswi va amukerile xikombiso xa Yesu Kreste a hanyaka exikarhi ka vanhu. A ngaka a nga swi endlisena na mina, xi swi endllela, na n'wina. Wa vona, wansati a fanele ku khumbha nguvu ya Yena. Mi fanele ku khumbha nguvu ya Yena. Ho va ntsena swi tirhisiwa.

²²³ Xana ma pfumela hi timbilu ta n'wina hinkwato xana? Sweswi loko mi pfumela leswaku... I vangani va swi pfumelaka, yimisani mavoko ya n'wina, kukotisa *leswi*, mi ku, "Ndza swi pfumela hi ntiyiso."

²²⁴ Sweswi loko mi swi pfumela, Yesu u vule leswi, "Masingita lawa ya ta endlwa hi vona lava va pfumelaka; loko va tlhandleka mavoko eka lava vabyaka, va ta hola." Xana ma swi pfumela sweswo xana?

²²⁵ Sweswi i vusiku. A ha ha ri na nkarhi. Hi ni makume mbirhi-ntlhanu wa timinetse ku ya eka awara ya khume.

Xana mi nga tlhandlekana mavoko hi xin'wina, sweswi? Kutani endlani hilaha ndzi nga ta mi byela ha kona, ntsena tlhandlekanani mavoko ya n'wina.

²²⁶ Sweswi ma swi tiva, eswithedzini, hinkwako laha mi nga kona. Sweswi ma swi tiva, kufana ni swin'wana na swin'wana sweswi, endzhaku kaloko Matsalwa ya chumayeriwile niku tivisiwa erivaleni kahle hinkwako ku rhendzeleka hi muaku.

²²⁷ Ndzi vona un'wana, sweswi. Wa vona? Kutani un'wana lahawani, u xaniseka hi ku karhala ngopfu. Manana loyi a nga na TB. Aha. Mi ri, ntsena Byi hinkwako sweswi, kambe Bya mi tsanisa.

²²⁸ Xana ku hambana kule kwihi, hi swihi swin'wana? Ma vona eka makume ntlhanu, minkarhi yin'wana ku na sweswo, kutani mi lava ku vona makume nkombo nkarhi lowu landzelaka. Yesu u swi endlile sweswo nkarhi wun'wana eSychar, kutani doroba hinkwaro ri pfumela eka Yena. A va languterile Mesiya.

²²⁹ Mesiya u kona lahawani, a nga Moya lowo Kwetsima, Mesiya wa namuntlha; Mesiya loyi a endlaka Rito leswaku ri tiyisisiwa, hi xitshembhiso xa Yena.

²³⁰ Sweswi ndzi lava un'wana na un'wana wa n'wina, tani hiloko ma ha tlhandlekana mavoko, loko mi ri vapfumeri. A mi tikhongeleli sweswi. U khongeleta munhu yaloye, kutani na vona va ta mi khongeleta. Sweswi, Rito leri fanaka leri tshembhiseke leswi hi masiku ya makumu, ri swi tshembhisile nakambe...

²³¹ Kutani tsundzukani, Yesu u teri, "Masingita lawa ya ta endliya hi vona lava va pfumelaka." Ku hanyisiwa, ku vuyela endzhaku, i rito leri xikombiso xi nga tiviwa hi rona. Va tlhandlekile mavoko eka vavabyi, tani hi xikombiso; rito i "haleluya, Hosi yi ndzi hanyisile!" Sweswi loko swikombiso leswi swi fambisana na rito, xikombiso xexo, loko u ri mupfumeri, swi ta heleketana. Rito ri ta heleketa xikombiso.

²³² Loko ndzi mi nyika xikombiso lexi, lexi ndzi mi byeleke leswaku xi huma eka Xikwembu, kutani Xikwembu xi swi tshembhisile eka siku leri; swingaleswi swi humesiwile, hi ku hetiseka, a ka ha salanga nchumu handle ka loyi o ka a nga tshembhekangiki a nga swi hlayisaka hi ku swi pfumela. Wa vona? Kutani Xikwembu xi hundzulukile xi swi tiyisia, leswaku swi va tano. Sweswi U kona lahawani.

²³³ Sweswi un'wana na un'wana, hi ndlela leyi mi khongeleriska xiswona etikerekene ta n'wina, loko swi ri swa n'wina, mi rhasa, hambi ku ngava yini, mi khongeleta munhu loyi mi nga n'wi tlhandleka voko, hikuva na vona va le ku mi khongeleti.

²³⁴ Kutani sweswi langutani ehenhla. Kutani eVukoneni bya Mesiya, Kreste, Loyi a Pfukeke, wa ha hanya endzhaku ka magidi mambirhi wa malembe, xana hi ngava na matimba ya nyanyuko njhani eMoyeni? Sweswo swi fanele ku veka tiko leri eNdzilweni. Sweswo swi fanele ku endla Beaumont ri hundzuka, ri ri eka swiambalo leswo khwaxa na nkuma. Kambe swi ta endleka? Ee.

²³⁵ Kambe n'wina lava mi N'wi langutelaka, ni ku pfumela leswaku U ta swi endla niku hanyisa Rito ra Yena, swi le ka n'wina sweswi xitsembhiso xi nyikiwile. Tlhandlekani mavoko ya n'wina eka van'wana kutani mi khongela, loko ndza ha mi khongelela lahwani.

²³⁶ Hosi Yesu, swi vuriwile swi ringanile, swi endliwile swi ringanile. Rito leri tshembhisiweke ri vonakarisiwile. Mesiya, la nga Kreste wa Xikwembu, u le Vukoneni bya Matimba. Ha N'wi twa. Ha N'wi vona. Ha swi tiva leswaku U swi tshembhisile leswi emasikwini ya makumu. "Kukotisa hilaha a swi ri ha kona eminkarhini ya Sodoma, swingaleswi swi tava tano loko N'wana wa munhu a ta hlavuteriwa." Swingaleswi, ha swi tiva.

²³⁷ Hi wu-wu vona ndzilo eswibakabakeni, tibomo ta ti athomiki. Hi vona xivungu lexi dyaka matiko, matiko ya fayeleleka. Ha ri vona leswaku Israel ri le tiko-xikaya. Swikombiso hinkwaswo leswi swi nga tshembhisiwa, swi hetisisiwile. Lexi landzelaka i xitsembhiso xa N'wana, loyi a Vuyaka.

²³⁸ O Xikwembu lexi nga Heriki, eVukoneni bya Yesu Kreste, Moya lowo Kwetsima lowukulu lowu nga lahwani sweswi wu tiyisisaka leswaku U lahwani, twana swikhongelo swa vanhu lava, twana Vakreste lava; leswaku, loko ndzi famba, va nga vuli leswaku, "Makwerhu Branham u endlile leswi." Un'wana loyi va nga n'wi tiviki, u tlhandlekile mavoko eka vona, kutani va hanyisiwile. Kambe U tshembhisile leswaku Rito ri na xikombiso eka rona. Kutani i ngaku va nga hanyisiwa, tani hiloko ndzi va tisa eka Wena, hi Vito ra Yesu.



RITO RAXIKOMBISO TSO64-0313
(The Voice Of The Sign)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavunlhanu ni madyambu Nyenyankulu 13, 1964, eMunicipal Auditorium eBeaumont, Texas, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org